

NY FETIN' NY TROMPETRA

 Ndao isika hanondrika ny lohantsika. Tompo, teo amin'ny fanararaotra iray dia izao no voalaza, avy tamin'ireo Mpianatra malalanao hoe, "Mampianara anay hivavaka." Fa rehefa mitazana an'ilay Andriamanitra ny Lanitra lehibe izahay, dia fantatray hoe toy ny ahoana ny tsi-fahampianay. Noho izany dia mampianara anay hivavaka, Tompo, ao am-ponay ankehitriny, ho an'ireo zavatra izay—izay hilaina ho an'ny Fanjakanao sy ho an'ireo Mpanomponao. Ianao no mahafantatra izay ilainy olona tsirairay eto.

² Ary eto amin'ny latabatra eto, izao maraina izao, dia misy ireo mosara sy aron'akanjo, ary fonosana kely fotsiny avy amin'ireo izay mila fanampiana ara-batana, sy aratoikantrano, ary na mety ho inona na inona ilay izy. Fa Ianao no Andriamanitra, ary Andriamanitra tokana, ilay Andriamanitra hany marina izay misy. Ary mangataka Aminao amin'ny Anaran'i Jesosy izahay, ilay Zanaka malalanao, mba Hanasitrananana ny tsirairay avy amin'ireto. Ary mety misy eto sasany izay tsy manana mosara iray eto, na fonosana iray, izay mila fanasitranana.

³ Mety misy sasany manerana ny firenena, manodidina an'izao tontolo izao, izay hihaona amin'ity horonam-peo ity aza ao antranony na ao amin'ny fiangonany. Hivavaka izahay, Tompo, mba rehefa mandeha ny fotoana, ao amin'ny—ao amin'ny...na alefa ny horonam-peo, na inona na inona toerana mety misy anay, na—na ny toe-batana, enga anie ilay Andriamaniry ny Lanitra lehibe hanome voninahitra an'ity fahatsoran'ny fonay ity izao maraina izao, ary hanasitranana an'ilay manana ilaina, hanome azy ireo an'izay ilainy.

⁴ Tahio izahay ankehitriny amin'ny fitohizan'ny fotoana. Mitenena amin'ny alàlanay, tsy toy ny tany aloha mihitsy, noho ny amin'ny Fanjakan'Andriamanitra. Miandry izahay, amin'ny Anaran'i Jesosy, ny Valin-teninao. Amena.

⁵ Hanampy ahy ve ianao miaraka amin'ireto? [Mamindra an'ireo zavatra hiala amin'ny polipitra Rahalahy Branham—Mpand.]

⁶ Tsara ny tonga indray eto am-piangonana izao maraina izao. Ary vao avy niresaka tamin'ireo sakaida sasany aho izay vao tonga avy any Ohio, tamin'ny zazavavy kely iray, izay nentina teto volana vitsy lasa izay, izay teo am-pahafatesana niaraka tamin'ny aretin-drà. Tena nahantre ireo olona ireo, ireo raiamandreny. Ary tsy manana fotoana aho izao maraina izao hamakiana an'ilay—ilay fijoroana vavolombelona izay mipetaka eo amin'ny antontan-taratasy. Fa ity ny sarin'ilay zazavavy

kely afaka telo andro, mino aho fa izay ilay izy, taorian'ny nivavahana ho azy. Ireo dokotera dia nanome azy telo andro fotsiny hahavelomana, ary tao anatin'ny telo andro dia tsy nety nahita na dia soritra iray ny amin'izany aza izy ireo. Ary noho izany dia any an-tsekoly izy, tena faly. Azoko antoka fa ny fiangonana dia mahatsiaro rehefa nanana azy isika teto tao amin'ilay efitra.

⁷ Ary ilay zaza kely ihany koa izay teraka niaraka tamin'ireo tsinay, toy ny hoe, tety ivelany. Na ahoana na ahoana ireo dokotera, sy ny fomba niforongan'ireo tsinay tamin'io toe-batana kely io, dia tsy afaka namerina tamin'ny toerany indray. Natahotra izy ireo ny hikasika an'ilay zavatra kely, zazakely vao teraka mihitsy ilay izy. Ary ankehitriny, dia efa eo amin'ny herintaona eo izao ilay zaza kely, heveriko, zavatra tahaka an'izany, miaraka amin'ny tsinay ara-dalàna, ny zavatra rehetra dia ara-dalàna mihitsy arak'izay maha-izy azy. Izany dia ny fahasoavan'Andriamanitra fotsiny, hoe tsara toy ny ahoana Izy amintsika.

⁸ Ankehitriny, androany, dia te-hilaza aho fa ny favoriana izay efa nomaninay, efa nanomana aho ny handeha amin'io herinandro ho avy manaraka io ho any—any Afrika, ho any hiaraka amin-dRahalahy Joseph Boze, any Kenya sy Tanganyika. Tsy afaka hanao an'ilay favoriana izahay, noho ny telegrama iray avy tamin-dRahalahy Boze hoe, "Tamin'ny herinandro lasa dia telo tamin'ireo misioneranay manokana no maty, ary novonoina."

⁹ Ary manana fikomiana iray izy ireo any ankehitriny. Ary ireo kominista dia mamatsy basy an'ireo tera-tany, milaza fa manana sambo mpanjono mipetraka manodidina izy ireo, Chine Mena sy Rosia; ary mamatsy basy an'ireo tera-tany, nefo izy ireo dia tsy mahay mampiasa azy ireny tsaratrsara kokoa afa-tsy amin'izay zavatra rehetra hitany fa hampiasana azy fotsiny. Noho izany, any, ny—ny—ny governemanta dia nihevitra fa tsy fahendrena ny hanaovana favoriana amin'izao fotoana izao. Ary raha azoko, ihany koa, hoe Rahalahy Boze aza dia tsy afaka nanokatra ny sekoliny ao amin'izany faritra izany, izay efa nandehanako, amin'izao fotoana izao. Fa tsy nofoanana ilay izy, ilay izy dia nahemotra fotsiny mandra-pahatongan'izy ireo hampilamina an'izany indray.

¹⁰ Tena faly aho izao maraina izao ny mahita, eto afovoantsika indray, nandritry ny taona maro tsy naha-teo, an-dRahalahy Jackson, Rahalahy Sidney Jackson sy Ranabavy Jackson, avy any Afrika Atsimo. Niresaka ve izy ireo? [Hoy Rahalahy Neville hoe, "Eny."—Mpand.] Ary ireo olona ireo dia efa tena rahalahiko sy anabaviko, ary mpiara-miasa tao amin'ny asam-pitoriana tany Afrika Atsimo, ilay dia farany tany. Fa, mahatoky isika fa indray andro any, nohon'ny fahasoavan'Andriamanitra, dia hiverina hiaraka amin'izy ireo indray, satria ilaina izany.

¹¹ Ary efa nanandrana aho nandrity ny sivy taona mba hiverina. Saingy, noho ireo rafi-pandaminana, sy ny sisa, dia tsy hamela ahy hiverina izy ireo. Noho izany dia nanoratra taratasy iray ho azy ireo aho vao tsy ela, ary nanao hoe, "Noho izany dia aoka ny ràn'ireo fanahy very ireo ho eo aminareo fa tsy ho eo amiko." Satria, mino aho fa Andriamanitra dia naniry ny hampiasa ny asam-panompoako any, ho an'ireo olona ireo, hatramin'ny ela. Ary noho ireo fahasamihafana ara-anarampiangonana, dia tsy hamela ahy hiverina izy ireo. Saingy, eny ary, ny Tompo no hiahay an'izany.

¹² Ankehitriny, ny tiako ho lazaina izao maraina izao, raha sitrakny Tompo, nangataka ahy handray ny fotoana rahariva i Rahalahy Neville, ary ato amin'ny Tabernakla. Noho izany isika... Asaina ianareo. Ary avy eo amin'ny Alahady heriny, raha sitrakny Tompo, izaho dia tokony ho eto, ihany koa; ary avy eo angamba ho an'ireo Alahady roa na telo manaraka, nohon'ny tsi-fisian'io, tamin'ny fanafoanana an'io favoriana izay efa nomanina io.

¹³ Ankehitriny, tianay ihany koa ny hilaza, fa, nilaza aho fa angamba isika hitory ny Trompetra Fito mandritr'io fotoana io. Manontany fotsiny isika hoe ahoana no hanaovantsika an'ilay izy ato amin'ny tsi-fahampian'ilay tranobe sy ny faharatsian'ilay rivotra mampangatsiaka, tsy misy rivotra ao amin'ilay efitra. Tsy mbola voamboatra ilay izy ho an'ny fampangatsiahan-drivotra. Ary niezaka izahay ny hanofa an'io sekoly eto io, izay misy rivotra mampangatsiaka, izay mametraka eo amin'ny... Oh, tsy fantattro; toerana mahalany tsara iray izany, sekoly tena tsara iray. Saingy tsy afaka nahita na inona na inona izahay.

¹⁴ Ary, ilay izy dia mety, ny herinandro manaraka no homen'izy ireo antsika. Saingy, ny herinandro manaraka? Hitanareo, hisy ireo delegasiona izay ho tonga avy any amin'ireo ampahany samihafa eto amin'izao tontolo izao; avy any Jamaica, sy avy any amin'ireo Nosy, sy avy any atsimo, avy any Amerika Atsimo aza, sy Canada, sy Mexico, ary manerana ny firenena. Ary nandefa an'ireo filazana izahay ny Alatsinainy, noho izany dia tsy ho azon'izy ireo izany raha tsy eo amin'ny Alarobia na Alakamisy; ary amin'izay fotoana izay dia tsy maintsy hangataka andro fialan-tsasatra izy ireo, sy ny sisa, izay tsy hampety an'ilay izy mihitsy.

¹⁵ Ireo herinandro manaraka, indray, hatramin'ny fotoam-pianarana, izany dia, tsy maintsy manao an'ilay izy amin'ny hariva anankiray ianareo, ary avy eo dia mijanona hariva iray na roa angamba, avy eo dia mitohy indray, avy eo... Tsy ho vitantsika fotsiny izany. Tsy afaka manao an'izany.

¹⁶ Manontany aho hoe nahoana, rehefa nivavaka tamimpahatsorana aho. Ary avy eo dia izao no saiky fotoana ho anay hiverenana any Arizona indray, ho an'ireo ankizy hiditra an-

tsekoly. Ary amin'izay fotoana izay izahay . . . Niresaka tamin'ny vadiko aho.

¹⁷ Ary, eny, nandeha tao amin'ny efitra aho omaly, ary hoy aho hoe, "Tompo, izaho—izaho dia mety tsy hampiasa teny betsaka, saingy, fantaro, azafady, Andriamanitra, izay tiako ho lazaina ato am-poko. Inona ilay olana fa ny zavatra rehetra dia manakana ny fitoriana an'ireo Trompetra ireo?" Ary tamin'izay fotoana izay dia tonga Izy ary nanambara an'ilay izy. Ary ankehitriny, izao maraina izao, dia tiako ho resahina aminareo ilay antony hoe nahoana.

¹⁸ Ary ankehitriny ndao isika, izay manana Baiboly ka maniry ny—ny, hamadika ao amin'ny Baibolintsika. Hanokatra ao amin'ny Levitikosy aloha isika, ny toko faha-23-n'ny Levitikosy.

¹⁹ Raha sitraky ny Tompo, rahariva aho dia hitory eo amin'ny lohahevitra hoe: *Mivoaka Any Ivelan'Ny Toby*. Ary ho fohy izany, sady mba hahafahanareo manana fotoana hiverenana any amin'ny toeranareo ho an'ny asa.

²⁰ Faly isika mahita an'ireo mpamangy tonga, ireo olona avy any ivelan'ny tanàna. Olona avy any ivelan'ny tanàna firy no ato, raha mijery isika? Dimy amby sivifolo isan-jato, hia, valo amby sivifolo isan-jaton'ny fiangonana. Noho izany, hitanareo fa tsy Jeffersonville izany, izany dia ireo olona izay tonga eto Jeffersonville, izay manao . . . Eto isika nohon'ny fahasoavan'ny Tompo.

²¹ Ary ankehitriny dia tiako ny hamaky toerana telo, izao maraina izao. Ny iray amin'izy ireo dia hita ao amin'ny Levitikosy ny toko faha-23, ary ny iray hafa dia ao amin'ny Isaia 18, sy Isaia 27, ianareo izay mandray naoty an'izany.

²² Ary ankehitriny raha tokony hitory teny . . . Raha sitraky ny Tompo, dia hataoko izany rahariva. Saingy te-hampianatra aho, izao maraina izao, eo amin'ny fetin'ny trompetra fito. Sady, izao volana izao no fetin'ny trompetra fito, manomboka . . . ary izao no volana fahafito, izany dia ny faha-15-n'ny Jolay, no nanombohan'ny fetin'ny trompetra, ao amin'ny lalànan'ny Levita.

²³ Ankehitriny, ary raha manana ny taratasinareo sy ny sisa ianareo, ka maniry ny handray naoty an'ireo Soratra sy lahateny, sy ny sisa, raha mandroso isika.

²⁴ Misy zavatra anankiray amin'ity favoriana ity, mafana ny andro, ary isika dia efa zatra an'izany mandava taona. Saingy misy olona mety mieritreritra fa izaho dia mino fa rehefa miditra ato amin'ity tranobe ity isika dia mampijanona ny fotoana isika, angamba, ary ampahany, amin'ny ampahany dia ao amin'ny Mandrakizay, ilay fomba izay hihazonako ny olona ela loatra. Tsy fanahy iniako ny manao an'ilay izy tahaka an'izany. Fa izaho dia mino fa isika dia miaina tena akaikin'ilay Fihavian'i

Jesosy, hany aho ka tsy maintsy maka tombony amin'ny minitra tsirairay izay hahazoako ny olona rehetra miaraka.

²⁵ Ary nieritreritra aho, raha namily fiara teny an-dàlana aho vao tsy ela izay, nivoaka ho an'ny vavaka kely iray talohan'ny nidirana mihitsy teto amin'ny polipitra, tahaka ny atao'n'ny tena mpivavaka tso-po mihitsy. Nieritreritra aho hoe, "Fantatraq, izahay no manana ny fotoana be voninahitra indrindra rehefa miaraka mihaona izahay! Saingy, ary ny olona dia mivory avy any amin'ireo fanjakana maro, mipetraka ato mihitsy ankehitriny, avy any lavitra, an-jatony sy an-jatony maily, ary miaraka mivory eto izahay mba hiombona manodidina ny Teny. Saingy ho avy ny fotoana iray, tsy ho ela, izay hahatonga an'izao ho fahatsiarovana iray tianay fotsiny." Marina izany.

²⁶ Hesorina amintsika ireto fotoana ireto, koa noho izany dia tsy maintsy manao an'izay rehetra fantatsika hatao isika, mba hahatonga an'izao, ny minitra tsirairay, ho voaisa. Ary eritrereto izao ankehitriny, raha miaritra ao amin'ny hafanan'ity maraina ity isika. Ary, fantatrareo, ny vatan'olombelona rehetra dia—dia mpanome hery iray ho an'ny hafanana, izy tenany, ary izany no manao an'ilay izy ho tena sarotra eo aminareo. Ary, fa tiako hahazo ny Teny ianareo.

Ankehitriny, mialoha mihitsy antsika—antsika hamaky, dia ndao isika hivavaka.

²⁷ Tompo, ny ankamaroan'ny olona ato izay afaka manetsika ny tânany, dia afaka mamadika an'ireo pejin'ity Baiboly ity. Saingy tsy misy afa-tsy Anankiray eo anivonay kosa amin'izao maraina izao no afaka hanokatra Azy; izany dia ilay Fanahy Masina lehibe, izay eo afovoanay. Sokafy ho anay ny Teny, Tompo, raha mamaky izahay, tahaka ny Nataonao tamin'ireo mpianatra, raha nandeha teny amin'ny lâlany nankany Emaosy izy ireo, ka nanomboka nanazava tamin'izy ireo ny Soratra. Ary enga anie izahay, rehefa hiala izahay, hiteny tahaka azy ireo izay niverina nankany Jerosalema avy tany Emaosy hoe, "Tsy nangorakoraka ve ny fontsika raha niresaka tamintsika teny an-dàlana Izy?" Fa amin'ny Anaran'i Jesosy no angatahanay an'izany. Amena.

Ndaو isika hitsangana ho an'ny fanajana ny Teny.

²⁸ Ankehitriny, ny lohahevitre izao maraina izao dia: *Ny Fetin'Ny Trompetra*. Tiako ny hamaky ankehitriny avy ao amin'ny andininy faha-23-n'ny toko faha-23-n'ny Levitikosy.

Ary ny TOMPO niteny tamin'i Mosesy, nanao hoe,

*Mitenena amin'ny zanak'Isirael, manao hoe,
Amin'ny volana fahafito, ary amin'ny andro
voalohan'ny volana, dia hanana sabata iray ianareo,
fahatsiarovana ny fitsofana trompetra, ho fiantsoana
masina.*

²⁹ Ankehitriny ao amin'ny Bokin'i Isaia, manomboka amin'ny andininy faha-1-n'ny toko faha-18, ity no mampitohy azy miaraka.

Indrisy ry tany manalokaloka amin'ny elatra, izay any an-dafin'ny onin'i Etiopia:

Izay naniraka ambasadaoro eny ambonin'ny ranomasina, na dia ireo lakana avy amin'ny zozoro teny ambonin'ny rano aza, nanao hoe, Mandehana, ianareo iraka faingam-pandeha, ho any amin'ny firenena niahaka... mandimandina, any amin'ireo olona mahatahotra... firenena matanjaka tokoa sy Maheriseta any, ka ny ony no mamaky ny taniny!

Ary ianareo mponina rehetra eto amin'izao tontolo izao, sy mpitoetra ety ambonin'ny tany, mijere ianareo, rehefa izy no manangana faneva iray eny amin'ny tendrombohitra; ary rehefa mitsoka trompetra izy, dia mihainoa ianareo.

³⁰ Ao amin'i Isaia 27:12 sy 13.

Ary izao no hiseho amin'izany andro izany, fa ny Tompo no hanintsana avy ao amin'ny lakan-dranon'ny ony ka hatrany amin'ireo lohasahandriakan'i Egypta, ary hangonina tsirairay ianareo, O ianareo ry zanak'Israely.

Ary izao no hiseho amin'izany andro izany, fa hotsofina ilay trompetra lehibe, ary ianareo ho avy dia izay very tany amin'ny tanin'i Asyria, sy izay voaroaka tany amin'ny tanin'i Egypta, ka hanompo ny Tompo ao amin'ny tendrombohitra masina any Jerosalema.

³¹ Ndao isika hivavaka indray. Tompo, tahio ireo Teny ireo ho an'ny fonay. Enga anie ny fisainanay sy ny fisaintsainanay ho araka ny Tononinao. Amin'ny Anaran'i Jesosy. Amena.

Afaka mipetraka ianareo.

³² Misy zavatra betsaka izay tian'ny pasitera iray ho lazaina amin'ny fiangonany izay tiany, amin'ireo olona samihafa avy amin'ireo toerana samihafa, fa tsy navela noho ny fotoana.

³³ Ankehitriny raha manatona an'ity lohahevitra ity isika, dia tianay ianareo hahatsapa fahalalahana. Ary maro aminareo no mitsangana; ary raha nandalo aho, dia feno ny rindrina, sy ny any ivelan'ny varavarana, sy ny eto aloha, sy manodidina ny tranobe, ary manodidina ny rindrina. Noho izany, ankehitriny, raha te-hifanolo toerana amin'ny hafa ianareo, dia ho tsara izany.

³⁴ Ankehitriny, *Ny Fetin'Ny Trompetra*. Ankehitriny, ity dia fanangonana iray an'ny Israely, teo amin'izay niarahan'izy ireo niangona, ny fetin'ny trompetra.

³⁵ Ankehitriny, efa nampanantena aho hatramin'ny ela ny-ny hiresaka eo amin'ny lohahevitra ny amin'ireo Trompetra Fito ao amin'ny Bokin'ny Apokalypsy ireo. Ary ankehitriny dia hamerina an'izany indray isika, fotoana fohy fotsiny, mba haneho an'ilay tena antony tsy hiresahako an'izany amin'izao fotoana izao, satria ny Fanahy Masina no tsy namela ahy hiteny amin'izao fotoana izao an'ireo zavatra ireo. Fantatro fa toy ny hoe tena an-jaza izany, angamba, ho an'ireo olon'ny fianarana malaza sy fahalalana, saingy ho an'ny Kristiana kosa dia hafa izany. Isika—isika dia manaraka ny fitarihan'ny Fanahy, izany irery ihany.

³⁶ Ankehitriny, dia manomboka mahamarika aho eo amin'ny fitoriana an'ireo Taona Fiton'ny Fiagonana, dia ilay-ilay modely, na ilay filazana mialoha an'izay rehetra hataon'Andriamanitra ho an'ireo fiagonana, sy amin'ny alàlan'ireo fiagonana, ary mametraka azy ireo ara-toerana.

³⁷ Ireo toko telo voalahany an'ny Bokin'ny Apokalypsy dia manambara an'ireo zava-mitranga rehetra ao amin'ny Fiagonana. Avy eo, manomboka amin'ny toko faha-3 ka hatramin'ny toko faha-19-n'ny Apokalypsy, dia tsy misy fahitana ny Fiagonana intsony. Miakatra ny Fiagonana ao amin'ny toko faha-4-n'ny Apokalypsy, ary miverina indray ao amin'ny toko faha-19-n'ny Apokalypsy, ny Ampakarina sy ny Mpampakatra, miaraka, tonga eto an-tany. Ary avy eo manomboka amin'ny toko faha-19 ka hatramin'ny famaranana ny toko faha-22, izany dia mikasika ny Arivo taona sy izay ho amin'ireo taona izay tsy maintsy hanaraka an'izany. Mandritry ny faha-4 ka hatramin'ny faha-19, dia mifanaraka amin'ny Isiraelly Andriamanitra.

³⁸ Ankehitriny, avy eo, rehefa vitantsika ny bokin'ny fanambarana ny amin'ny fiagonana, izay nataon'Andriamanitra tamin'ireo fiagonana fito ireo, izay tany amin'ny fiandohany tamin'izany fotoana izany, na ireo alony, tao Azia Minora. Avy eo dia ny Fanahy Masina no nanambara sy nanokatra tamintsika an'ireo zava-miafina rehetra Tao, ny amin'ny hoe ahoana no Nitondrany ny Fiagonany tamin'ny alàlan'ny tantara. Ary raha tsy manana *Ny Taona Fiton'ny Fiagonana* amin'ny horonam-peo ianareo, dia ho tsara raha hihaino azy ireo ianareo. Ary tsy ho ela dia ho ao anaty endrika boky izy ireo.

³⁹ Avy eo aho dia namela an'ilay izy teo amin'izany, ary mihevitra fa afaka kelikely dia hitory eo amin'ireo Tombokase isika, tsy mahafantatra hoe inona ireo Tombokase ireo.

⁴⁰ Nanana ny hevitro manokana aho, tahaka ny ataon'ny mpitoriteny rehetra, avy amin'ny famakiana an'izay efa nolazain'ny olona hafa iray angamba; ary mino betsaka tokoa arak'izay azoko atao, miaraka amin'izy ireo, eo amin'ireo

zavatra izay efa nosoritan'izy ireo, ireo fehin-teniny. Efa namaky ny bokin'Atoa. Smith aho, Uriah Smith, izay mpampianatra Advantista, ary izaho efa namaky ny—ny fisainany eo amin'izany. Ary efa namaky an'Atoa. Larkin aho. Izaho efa namaky, oh, samihafa marobe, ny amin'ireo fanazavany eo amin'Ity. Saingy, na inona antony na inona, dia heveriko fa izaho dia nanana ny—ny fijery kely ny amin'izany, ny tenako, izay mety avy amin'ny toerana samihafa. Fa nanandrana aho indray mandeha, niresaka lohahevitra telo fotsiny, ny voalohany... na lohahevitra efatra teo amin'ireo mpitaingin-tsoavalny efatra. Nitory an'izany nandrity ny hariva efatra aho, ny iray teo amin'ny soavalny anankiray, sy ilay hafa.

⁴¹ Fa tamin'izay fotoana izay talohan'ny nitrangany indrindra, dia nomena fahitana iray aho, izay ao amin'ny horonam-peo, araka ny fantatrareo rehetra hoe, *Tompokolahy, Amin'Ny Firy Izao?* fa hoe izaho dia tokony handeha any Tucson, Arizona. Ary tany tao ambadik'ilay tany efitra, teny ambonin'ny tendrombohitra, izay nisy ahy niaraka tamin'ireo rahalahy, ka niresaka ny amin'ny hipoahan'ny fipoahana lehibe iray, ary izaho... nidina ireo Anjely fito. Nihevitra aho, ny tenako, fa izay no fiafaran'ny fiainako; nilazako ny vadiko mba handeha hiaraka amin'i Billy, sy izay hatao amin'ireo ankizy, sy ny sisa, mandra-pihaonanay indray any amin'ilay ilany hafa.

⁴² Koa indray andro tao amin'ny Sabino Canyon, raha niantso ahy vao maraina be Andriamanitra tany, tany aho niaraka tamin'ny tànako nitsangana, nivavaka, ary sabatra iray no tonga teo an-tànako. Fantatrareo izany. Nitsangana teo aho ary njery an'ilay izy, tena marina tahaka ny tànako ankehitriny mihitsy, tsy nahafantatra hoe inona no dikan'ilay izy. Ary navela teo amiko izany niaraka tamin'ny Feo iray izay nanao hoe, "Ity no Sabatry ny Mpanjaka." Ary avy eo, taty aorianana, rehefa nambaran'ilay Anjelin'ny Tompo izany, dia Izany no Teny eo an-tànana.

⁴³ Taorian'izany avy hatrany, dia niseho ireo Anjelin'ny Tompo ka niresaka mikasika an'ireo Trompetra Fito...na ireo Tombokase Fito, fa hoe tsy maintsy miverina eto Jeffersonville aho ary mitory an'ireo Tombokase Fito. Ary, teo, raha efa mba nilaza zavatra izay voatsindrimandry aho, dia tao amin'io izany. Teo no nihaonan'ilay Anjelin'ny Tompo tamintsika, ary lasa Baiboly vaovao iray ny Baiboly. Teo no Nisokafany sy nanambarany an'ireo zavatra rehetra izay navelan'ireo mpanavao sy ny sisa. Izany no fanambarana feno an'i Jesosy Kristy, vaovao tanteraka amintsika, saingy marina tanteraka miaraka amin'ny Soratra. Izany ilay Teny izay efa nisy foana hatramin'izay. Tena voatsindrimandry sy nivantana tokoa aho.

⁴⁴ Avy eo rehefa tonga teto amin'ity ampahany eto ity aho, ny amin'ny hitoriana ny Trompetra Fito, dia nieritreritra aho hoe, "Eny, tsy hiezaka ny hieritreritra na inona na inona aho.

Hiandry fotsiny aho hatramin'io fotoana io ary hamela Azy hanambara an'izany amiko." Ary avy eo omaly aho rehefa... Nandeha tao amin'ny efitra aho ary nanontany hoe nahoana... Na, miala tsiny aminareo aho, afak'omaly ilay izy. Rehefa nandeha tao amin'ny efitra aho, mba hanandrana hahazo, dia tao no nanokafan'ny Fanahy Masina an'ity, mba haneho amiko ny antony hoe tsy ilain'ny Fianganana akory aza izany amin'izao fotoana izao, satria tsy misy idiran'izany amin'ilay Fianganana, mihitsy.

⁴⁵ Ankehitriny, ireo zava-miafin'i Kristy izay niafina dia voambara manontolo ao anatin'ireo Tombokase Fito.

⁴⁶ Izany dia nanambara, voalohany, an'ireo Taona Fiton'ny Fianganana, nanokatra an'ireo taona sy nametraka azy ireo aratoerana, niaraka tamin'ny tantara sy niaraka tamin'ny Baiboly, ary nametraka azy ireo tao amin'ny toerany, arak'izay naha-izy azy ireo. Ary hitantsika ny tenantsika tao amin'ilay taonan'ny fianganana farany, izay ny Taonan'ny Fianganana Laodikia, dia ilay ratsy indrindra amin'ireo taonan'ny fianganana rehetra. Hatrany amin'ilay tena voalohany mihitsy aza, hatrany amin'ireo Efesiana, izay taonan'ny fianganana malaza iray.

⁴⁷ Ary avy eo ahoana fa, teto, dia nanome ahy fahitana iray ny Fanahy Masina, ary nahita an'izay hiseho, nosoratako teo amin'ny tabilao, roa taona lasa izay. Indro izany eto amin'ilay sary, hoe ahoana no nanjavonan'ilay Hazavana niala tamin'ny tany, izay hifandraika tanteraka amin'ny fomba izay hahatongavan'ilay Hazavana eto an-tany, araka ny Filazantsara, sy hoe ahoana no Hisehoany sy hanjavonany. Tsy fantatro izany, tamin'io fotoana io, hoe inona no dikany ary hanao ahoana izany.

⁴⁸ Fa ilay izao tontolo izao ekiomenika lehibe dia nanana ny—ny favoriana iray niaraka tamin'i Roma; ary Roma, izay renin'ny rafi-pandaminana rehetra. Ilay papa, ilay fotoana voalohany tao amin'ny tantara, dia nandao an'i Vatican ka nandeha tany Jerosalema sy toerana maro. Ankehitriny, Jerosalema no toerana tranainity an'ny fivavahantsika rehetra, Jerosalema izany. Ary tao amin'io toerana tranainity io, ilay papa avy ao Roma, izay efa fahavaloo lehibe indrindra an'ilay Fianganana hatramin'izay, dia miainga mba ho tonga hitsidika an'i Roma...na avy any Roma ho any Palestina, Jerosalema.

⁴⁹ Ary araka ny hitantsika, satria tsy nampianarina, ny tenako, tsy fantattro ireo—ireo teny sy ny hoe ahoana no fiteny azy ireny, dia nianatra tao amin'ireo tandindona foana aho, tao amin'ireo modely avy amin'ny natiora. Ny natiora dia hanaraka ny natiora. Ny natiora dia avy amin'Andriamanitra.

⁵⁰ Raha alainareo indray mandeha rehefa ireo biby fiompy, eny an-tsaha, no miangona miaraka eny amin'ny sisin'ilay saha, dia sintony avy ao anaty rano ny fintanareo; tsy hanaikitra

ny trondro. Tsy hahazo azy ireny mihitsy ianareo; hitanareo, miala sasatra ireo biby fiompy; raha tsy hoe sendra latsaka ao anatin'ny fandrianan'ny anankiray ianareo. Fa rehefa mandeha misakafo ireo biby fiompy, dia diniho. Amin'ny fotoana izay hanaovan'ireo biby fiompy an'izany mihitsy, no hanidinan'ireo vorona ihany koa eny amin'ny hazo; hijanona tsy hisakafo izy ireo. Hitanareo, izany ny natiora. Io rehetra io dia mifamatotra miaraka. Marihonareo fa ireo tantely, amin'io fotoana io, dia mimonomonona eo ambonin'ny tanteliny, tsy mitsentsitra an'izany. Ny natiora rehetra dia miara-miasa.

⁵¹ Ary noho izany, tahaka ny ahitantsika hazo iray manintsana ravina iray, tena tsy ho ela ankehitriny, ao anatin'ny volana vitsy manaraka, dia hiala amin'ny hazo ny ravina. Ary ilay—ilay aina, ilay tsiron-kazo, dia hidina any amin'ilay faka. Ary ilay ravin-kazo dia hihintsana sy hianjera amin'ny tany ary ho lò. Ary ny sokay sy—sy ny pôtasy, fa izany dia ao anatin'ilay ravin-kazo, dia ho lò ao anatin'ny tany. Ary inona no nitranga? Ilay aina dia nandeha nankany alohan'izany, ka hifoka an'izany hiverina ao amin'ny tenany, ary hamerina indray an'io ravina io. Fahafatesana iray izany, fandevenana, ary fitsanganana.

⁵² Ary ny natiora rehetra! Ary ny volana no—no vadin'ny masoandro. Izy dia hazavana malefaka kokoa. Ary noho izany, ihany koa, rehefa lasa ny masoandro, amin'ny tsy maha-eo an'ilay masoandro, dia ny volana no mampitaratra ny hazavana amin'ny tany, izay tandindona iray an'ny fiangonana. Rehefa miainga ilay papa, ilay fahavalontranain'ny fiangonana, ka tonga ao Jerosalema, izay toerana an'ny fiangonana; dia, ilay Jerosalema vaovao sy ilay Jerosalema fahiny; mahamarika isika, talohan'ny nanaovany an'izany, fa nisy fanamaizinana manontolo an'ny volana.

⁵³ Ary ao amin'ireo gazety, manerana ny firenena araka ny ananantsika eo amin'ny tabilao, izany no nampiseho hoe ahoana fa nihodina niala tamin'ny hazavana io volana io nankany amin'ny aizina. Ary ny tena nahagaga tamin'ilay izy, dia ilay volana no nanao sary tanteraka, teny amin'ny lanitra, an'ilay zavatra iray ihany izay nasain'ny Fanahy Masina nataoko sary teto roa taona lasa izay, ary naneho ny . . . nanarona ny . . . Rehefa lasa sary enina izany, dia napetrako teo ilay fahafito, satria ilay taonan'ny fiangonana fahafito, aloka iray an'ny Hazavana fotsiny, ny fandehanan'ilay . . . Izany ilay nisy an'i Jesosy, teo am-baravarana, nandondôna. Fa niditra tao amin'ny aizina tanteraka izany.

⁵⁴ Ary taratratra iray toy ny inona, Hafatra iray toy ny inona avy tamin'Andriamanitra Izy tenany, fa hoe ireo zavatra ireo dia ny Fahamarinana! Namarininy aloha izany tao amin'ny Teniny, avy eo tamin'ny alàlan'ny Fanahy teo amin'ny lampihazo, ary avy eo nanambara an'izany teny amin'ny lanitra. Tsy misy fahadisoana mihitsy mikasika an'izany. Ireo Tombokase sy

Taona ireo dia milahatra tanteraka, tanteraka, Andriamanitra no nijoro vavolombelona tamin'ny alàlan'ireo famantarana sy fahagagana ivelan'ny voajanhary, niaraka tamin'ny Teny sy ny tantara, ary nametraka azy rehetra niaraka, ao amin'ny taona izay iainantsika ankehitriny.

⁵⁵ Ankehitriny dia sarotra ho an'ireo fiangonana ny hahita an'izany. Sarotra ho an'ireo anaram-piangonana ny hahita an'izany. Miezaka foana izy ireo ny hihevitra fa ianareo dia miezaka ny hivazavaza amin'ny olona. Tsy mivazavaza ianareo; miezaka mampitandrina ny olona ianareo. Izany tsy hoe miezaka ny ho ratsy amin'izy ireo; miezaka ny hanala azy ireny amin'ny ratsy ianareo. Tsy ireo olona ao anatin'ireo rafi-pandaminana ilay izy; ilay izy dia ny rafitra izay misy azy ireo, izay manozona azy ireo. Olona mahitsy fo, tso-po ireo Katolika, Protestanta, Jiosy, sy inona koa. Olombelona ireo izay—izay . . .

⁵⁶ Ireo masera tsy miditra ao anatin'ny monastera mba ho lasa vehivavy ratsy; miditra ao izy ireo mba ho vehivavy tsara. Miezaka izy ireo ny ho akaikin'Andriamanitra kokoa, saingy ilay rafitra no manimba azy ireo. Ireo olona dia mikambana amin'ny fiangonana, tsy hoe mba ho lasa olona ratsy iray, fa ho lasa olona tsara iray. Fa ilay rafitry ny fiangonana no mitarika azy ireo miala amin'ny Teny sy ireo fitsipika izay napetrak'Andriamanitra ho an'izao andro izao; ary izany no mitarika azy ireo hivoaka.

⁵⁷ Ankehitriny tsarovy, Andriamanitra no Teny, ary ny taona tsirairay dia Izy no nitsinjara ny Teny ho an'ny taona tsirairay izay hisy eto an-tany. Izy no nitsinjara an'Izany tao amin'ny taonan'ny fiangonana, ary ireo Tombokase Fito ireo no nanambara ny tsirairay avy amin'Izany. Hitanareo?

⁵⁸ Nahoana no nisy . . . no nisy ireo zava-miafina izay mbola nafenina? Apokalypsy 10, mahita isika, amin'ny fiafarany Hafatr'ilay anjely fahafito, hoe, ireo zava-miafina izay nafenina dia ho voambara, Apokalypsy 10:1 hatramin'ny 7. Mariho, ny antony dia satria tsy nisy mpaminany nandritr'io taona io. Ny Baiboly no nilaza, hoe, "Andriamanitra dia tsy manao na inona na inona raha tsy Ambarany amin'ireo Mpaminaniny izany, ireo Mpanompony, ireo mpaminany." Ary ny Tenin'ny Tompo tao amin'ny taona rehetra dia tonga tamin'ireo mpaminany foana, tsy tamin'ny rafitra iray mihitsy, tsy tamin'ny vondrona iray mihitsy.

⁵⁹ Tsy nampiasa vondrona iray mihitsy Andriamanitra. Isaky ny mifandrafitra ny vondron'olona iray, dia mandao an'izany Andriamanitra ary tsy miverina intsony. Zahao ny tantara dia jereo raha marina izany na tsia. Efa nataontsika izany. Tsy nifanaraka tamin'ny rafitra iray na vondrona iray mihitsy Izy, taorian'ny nandrafetan'izy ireo; manohitra an'Andriamanitra izany.

⁶⁰ Noho izany, mandritry ny fotoan'ny fanavaozana, tonga ireo mpanavao, ary ireo Tombokase Fito no nanaporofo fa izay ilay izy. Fa amin'ny andro farany ankehitriny, dia natao ho voambara indray izany. Satria, hitantsika ao amin'ny Soratra, ao amin'ny Malakia 4, fa tsy maintsy hisy hosotra iray hidina sy hamerina indray an'ilay Finoana tany am-piandohana, “ary hamerina ny finoan'ny olona ho amin'ny pentekosta tany am-piandohana, ilay Finoan'ireo ray.”

⁶¹ Ary nalaintsika i Elia tamin'ilay fahatongavana voalohany; nalaintsika i Elisa izay nanaraka azy; nalaintsika i Jaona Mpanao-batisa taorian'io, izay Elisan'io andro io; ary ny teny fikasana ho an'ny anankiray hafa ao amin'izao andro izao.

⁶² Ankehitriny, Jaona Mpanao-batisa dia tsy Elisan'ny Malakia 4. Izy dia Elisan'ny Malakia 3. Jesosy no niteny an'izany. “Indro, Izaho maniraka ny Irako eo Anatrehako, hanamboatra ny lâlana.” Hitantsika fa izany izy.

⁶³ Ankehitriny, teo am-panaovana tahaka an'izany, teo am-pahitana an'ireo toerana ireo, dia fantatsika ny Soratra sisira rehetra, voatsindrimandrin'Andriamanitra, manambara amintsika fa ao amin'ny andro farany isika.

⁶⁴ Ankehitriny, raha tonga niaraka tamin'ny hafatry ny Pentekosta aho, dia ho ao anatin'ilay Taonan'ny Fiagonana Laodikiana aho, ary tsy hety izany.

⁶⁵ Izany no antony tsy nandraisan'i Wesley ny hafatr'i Luther. Luther dia tao amin'ny taona anankiray, taonan'ny fiagonana, ary Wesley dia tao amin'ny taonan'ny fiagonana hafa iray. Raha tonga Jesosy tao amin'ny...niaraka tamin'ny hafatr'i Mosesy, tsy ho nety izany. Raha tonga niaraka tamin'ny hafatr'i Noa i Mosesy, tsy ho nety izany.

⁶⁶ Fa Andriamanitra no nitsinjara ho an'Ny—Ny—Ny olony, isaky ny taona, Soratra iray. Ary alohan'ny hahatongavan'ilay taona amin'ny fisiana, tamin'ny fotoana, dia nanafangaro loatra an'izany ireo fiagonana hany izy ireo—izy ireo ka tsy mahafantatra hoe aiza no misy azy.

⁶⁷ Izany no antony nahadiso azy ireo tamin'ny fahafantarana an'i Jesosy ho Zanak'Andriamanitra. Izy ireo, ny fombafombany no nanajamba ny masonry, nefo Izy dia tena araka ny Soratra marina mihitsy.

⁶⁸ Toy izany koa ireo mpaminany. Hoy Jesosy hoe, “Iza aminareo, amin'ireo rainareo, no tsy nitora-bato an'ireo mpaminany izay nirahina ho aminareo?” Noho izany dia mandefa ny Mpaminaniny Andriamanitra, mba...ary ny mpaminany no Tenin'Andriamanitra velona, tonga voaseho.

⁶⁹ Hoy Jesosy hoe, “Ahoana no ahafahanareo manameloka Ahy, tamin'ny filazana hoe, ‘Izaho no Zanak'Andriamanitra,’ nefo ianareo dia miantsio, ao amin'ireo lalanareo manokana...”

Ianareo no nilaza, fa ireo izay nahatongavan'ny Tenin'ny Tompo," dia ireo mpaminany, "ianareo dia niantso azy ireny hoe 'Andriamanitra.' Ary izany izy ireo, satria tsy azo foanana ny Soratra," hoy Izy. "Noho izany dia ahoana no hanamelohanareo Ahy?" Nefa Izzy dia... Ampahan'ny lalàna izy ireo, ampanahany Tenin'Andriamanitra izy ireo, fa Jesosy no fahafenoan'ny Tenin'Andriamanitra. Ny Drafi-panavotany manontolo, ny fahampian'Andriamanitra manontolo, dia tao Aminy.

⁷⁰ Ary ankehitriny, nandritr'ireo taonan'ny fiangonana, dia toy izany foana no nataon'izy ireo. Ary ireo Tombokase Fito dia tsy maintsy manambara ny zava-miafina rehetra izay navela nandritr'io fotoana io, satria tsy nanana mpaminany isika, ary ny Teny dia tsy tonga amin'ireo mpanavao. Mpaminany!

⁷¹ Tsy miova Andriamanitra. Ao amin'ny Malakia 3, dia voalaza hoe, "Izaho no Andriamanitra, ary tsy miova Aho." Ny fomba voalohany fanaovan'Andriamanitra zavatra, dia izany mandrakariva ny fomba fanaovan'Andriamanitra zavatra. Nanapa-kevitra Andriamanitra fa hamonjy ny olona amin'ny Rà nalatsaka avy tamin'ny Anankiray tsy manan-tsiny Izzy, tao amin'ny sahan'i Edena, ary dia tsy nanova an'izany Izzy hatramin'io, ary tsy afaka manova an'izany. Isika no niezaka, tamin'ny alàlan'ny fianarana, tamin'ny alàlan'ireo tranobe, tamin'ny alàlan'ireo rafitra, tamin'ny alàlan'ireo anaram-piagonana, tamin'ny alàlan'ireo fomba fanao, sy ny sisa hafa, fa tsy nahomby daholo izany. Fa toerana tokana ihany no hihaonan'Andriamanitra amin'ny olona, izany dia, eo ambanin'ny Rà nalatsaka an'ilay Tsy manan-tsiny. Amin'ny alàlan'ny Rà ihany! Izany no Fanapahan-keviny voalohany. Hitanareo?

⁷² Afaka manapa-kevitra iray isika, ary amin'ny taona manaraka dia afaka mieritreritra tsaratsara kokoa isika. Manana hevitra tsaratsara kokoa ny amin'izany isika, ny taona manaraka. Fa Andriamanitra dia tsy afaka; tsy manam-petra Izzy. Ny Fanapahan-keviny voalohany dia tanteraka; tsy misy na inona na inona afaka manetsika an'izany. Afaka mianatra betsaka aho; manam-petra isika. Afaka mianatra betsaka aho; afaka mianatra betsaka ianareo. Fa Andriamanitra tsy afaka mianatra betsaka; tanteraka Izzy, eo am-panombohana. Ary, noho izany, ny Fanapahan-keviny voalohany, dia apetraho eo amin'izany ny fanahinareo. Izay lazain'ny Baiboly, dia izay ilay izy!

⁷³ Tsy maintsy hitsara an'izao tontolo izao Andriamanitra indray andro any. Ary ireo Katolika dia milaza fa hitsara an'izany amin'ny alàlan'ny fiangonana Katolika Izzy. Raha izany no izy, dia fiangonana Katolika iza? Samihafa izy ireo, ny iray amin'ny iray hafa. Raha hitsara an'izany amin'ny alàlan'ny Protestanta ianareo, fiangonana Protestanta iza? Samihafa izy ireo, ny iray amin'ny iray hafa. Ary hifanjevo kely izany; tsy

hisy olona hahafantatra hoe aiza no hijoroana. Raha marina ny Metodista, dia very ny Batista. Raha marina ny Protestanta, dia very ny Katolika; raha marina ny Katolika, dia very ny Protestanta.

⁷⁴ Fa ny Baiboly no nilaza fa hitsara an'izao tontolo izao amin'ny alàlan'i Jesosy Kristy Izy, ary Izy no Teny. Noho izany, dia hitsara an'izao tontolo izao amin'ny alàlan'ny Teny Izy.

⁷⁵ Ary ireo anaram-piagonana rehetra dia nihataka tamin'ity Teny ity, mba hanaovana an'ireo fanekem-pinoany. Manontany na iza na iza mihitsy aho hanaporofa amiko hoe aiza izy ireo no mandray ny Teny manontolo. Tsy afaka manao an'izany izy ireo, satria fehezin'ny rafitr'olona iray izany. Taiza no nanananareo olona . . .

⁷⁶ Tsy nifanaraka afa-tsy tamin'olona anankiray mihitsy Andriamanitra amin'ny fotoana iray. Tsy nanana mpaminany roa akory mihitsy aza Izy tamin'ny fotoana iray mitovy. Anankiray! Olona iray ihany no azon'Andriamanitra alaina eo an-Tànany. Izy tsy mifanaraka aminareo . . . amin'ny rafipandaminanareo; mifanaraka aminareo Izy.

⁷⁷ Ankehitriny, eo ambonin'io fototra io, dia tonga eo amin'ny fetin'ny trompetra isika, ireo zava-miafina niafina. Efa naminaniana fa ho toy izany ilay izy, noho izany dia tsy maintsy voambara amin'ny fomba izay naha-izy azy izany. Fa voambara amin'izao andro farany izao, mba hahatanteraka marina an'izay vao avy nolazaiko, Malakia ny toko faha-4, Lioka ny toko faha-17 ka ny—ny andininy faha-30, ahoana no Hanaovany an'izany, ary Hebreo 13:8, Hebreo 4:12, ary maro amin'ireo Soratra izay milaza amintsika. Ankehitriny, raha vahiny amin'ny sasany aminareo izany, dia aoka aho hilaza fa Andriamanitra isan'andro . . . Ny fomban'Andriamanitra dia fantatra eo anivon'ny olona amin'ny maha-ara-paminaniana.

⁷⁸ Ireo Jiosy dia nahafantatra foana ny hino an'ireo mpaminaniny. Hoy Izy hoe, "Raha misy anankiray eo anivonareo, dia Izaho Tompo no hiresaka aminy ao amin'ny nofy ara-panahy sy ao amin'ny fahitana. Ary, miseho izay lazainy, dia henoy izy." Izy ireo isan'andro . . .

⁷⁹ Izany no nahadiso azy ireo tamin'ny fahafantarana an'i Jesosy, ary tsy maintsy nanakilasy Azy ho zavatra hafa, noho izany izy ireo dia nanao Azy ho fanahy ratsy iray, "Belzeboba," satria afaka namantatra an'ireo eritreritra izay tao am-pon'izy ireo Izy. Fantatsika foana fa izany no famantarana iray an'ny Teny.

⁸⁰ Hebreo ny toko faha-4, ny andininy faha-12, no nilaza hoe, "Ny Tenin'Andriamanitra dia maranitra noho ny sabatra roa lela, sy mpamantatra ny eritreritra sy fisainan'ny fo."

⁸¹ “Rehefa Izy ilay Fanahy Masina no tonga eo aminareo, dia Izy no hampahatsiahys anareo an’ireo zavatra izay Nolazaiko, ary haneho aminareo an’ireo zavatra ho avy.”

⁸² “Andriamanitra tamin’ny andro maro hafa, tamin’ny fanao samihafa,” Hebreo 1, “dia niresaka tamin’ireo razana tamin’ny alàlan’ireo mpaminany, amin’izao andro izao dia amin’ny alàlan’ny Zanany, Jesosy Kristy.” Ilay Andriamanitra iray ihany, miova fotsiny avy amin’ny mpaminany lasa ny Zanaka. Izay ihany. Hitanareo? Ilay Hafatra iray ihany foana, ilay fomba iray ihany amin’ny fanaovana azy.

⁸³ Ankehitriny, naminaniana fa ireo fiangonana dia ho ao amin’io toerana io, ka tsy maintsy haverina indray. Ary Izy no nilaza, ao amin’ny Malakia 4, fa Izy dia “haniraka an’i Elia mpaminany, ary hamerina ny—ny olona indray,” miaraka amin’ny . . . hitondra azy. Mariho. Ary mialoha indrindra . . . Na, aorian’ny Hafany avy hatrany, dia hisy ny fotoana iray izay handorana an’izao tontolo izao, ka ireo marina dia handeha eo ambonin’ny lavenona.

⁸⁴ Ankehitriny, ho anareo teolojiana sasany izay mety mihaino ao amin’ny horonam-peo iray, any ho any manerana an’izao tontolo izao, raha mihevitra ianareo fa i Jaona izany, tsarovy, amin’izay fotoana izay, dia diso ireo Soratra, satria tsy nodorana izao tontolo izao taorian’ny hafatr'i Jaona. Tsy tonga Jesosy ary tsy nampiditra ny olona tao amin’ny Arivo taona; fa Izy dia nampanantena ny hanao an’izany aorian’ny hahatongavan’ilay Fanahin’i Elia eto ambonin’ny tany indray.

⁸⁵ Mariho ankehitriny ao amin’ny Malakia 4, hitantsika eto fa io dia natao ho tsy maintsy vita mba hamerina (inona?) an’ilay finoan’ny olona indray hiverina amin’ireo ray tany am-piandohana, ilay Foto-pampianarana pentekotista, ireo ray tany am-piandohana. Ary izy no hamerina ny olona hiverina amin’ireo ray.

⁸⁶ Hitantsika ao amin’ny Lioka 17, Jesosy no nilaza fa rehefa tonga Izy amin’izao andro farany izao, Lioka 17:33, dia hitantsika fa hoy Jesosy hoe, “Tahaka ny tamin’ny andron’i Lota, dia ho toy izany koa amin’ny fihavian’ny Zanak’olona, rehefa ho voambara ny Zanak’olona.”

⁸⁷ Mariho ankehitriny, tonga tamin’ny anaran’ny zanaka anankitelo Izy. Tonga Izy tamin’ny anaran’ny Zanak’i Davida . . . Na, ny Zanak’olona, Zanak’Andriamanitra, Zanak’i Davida.

⁸⁸ Ankehitriny, tsy maintsy tonga tamin’ny naха-Zanak’olona Izy, satria Mpaminany iray Izy. Jehovah, Izy tenany, no niantso an’ireo mpaminany hoe, “zanak’olona.” Ary Jesosy tsy nanondro ny Tenany mihitsy ho Zanak’Andriamanitra. Nanondro ny Tenany Izy, isan’andro, ho Zanak’olona. Ary mariho, nanambara ny Tenany ho Mpaminany Izy avy eo, ny Mpahita. Hoy Izy, “Raha tsy manao ny asan’ny Raiko Aho, dia aza mino

an'izany." Nahatanteraka ny filazana tsirairay izay niresaka ny Aminy tao amin'ny Soratra Izy, na dia ny Fahafatesany aza, ny fandevenana, ny fitsanganana; ny fanohomboana Azy, ny Fahaterahany, ny rehetra. Ary tao amin'ny Asany, dia nahatanteraka ny filazana ny Mpahita Izy, ny Zanak'olona.

⁸⁹ Ankehitriny Izy dia efa voambara nandritr'ireo taonan'ny fiangonana, ankehitriny diniho, nandritr'ireo taonan'ny fiangonana, ho Zanak'Andriamanitra. Andriamanitra amin'ny maha-Fanahy iray, ny Fanahy Masina, dia nanambara ny Tenany tao amin'ireo taonan'ny fiangonana Izy, tao amin'ilay fiangonana, ho ny Fanahy Masina eo anivon'ny olona.

⁹⁰ Hitantsika, ao amin'ny Taonan'ny Fiangonana Laodikia, ilay taonan'ny fiangonana farany, fa voaroaka any ivelan'ny fiangonana Izy. Tsy mbola voaroaka mihitsy Izy na taiza na taiza, tao amin'ny taona rehetra, afa-tsy tao amin'ny Taonan'i Laodikia. "Satria, hoy izy ireo hoe, 'Manan-karena izahay ary tsy manan-javatra ilaina.' Nefa tsy mahafantatra fa ianareo dia ory, mahattra, mitanjaka, ary jamba, nefo tsy mahafantatra an'izany." Voaroaka tao amin'ilay taonan'ny fiangonana Izy.

⁹¹ Ary avy eo, araka ny Lioka 17, dia hoy Izy hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona." Ankehitriny, namaky an'ilay Genesisy iray ihany izay vakantsika Izy. Mariho, tany Sodoma, izay niseho. Inona no tany Sodoma? Abrahama . . .

⁹² Misy foana ny kilasin'olona anankitelo. Nisy an'i Abrahama, ilay voafidy sy nantsoina hivoaka, tany ivelan'ny Sodoma izy tenany. Nisy an'i Lota, ilay mambram-piangonana, na ilay olon'ny anaram-piangonana, tany; lasa ampanhan'io izao tontolo izao io izy, tamin'ny naha-ben'ny tanàna azy, nipetraka teo amin'ny vavahady; izy no mpitsara, izay ben'ny tanàna iray. Ary nisy an'i Sodoma, izy tenany.

⁹³ Ankehitriny, tamin'ny andro hariva, na teo amin'ny misasak'andro, rehefa teo ambanin'ny ôkany i Abrahama, dia Anjely anankitelo no niseho taminy. Ny anankiroa tamin'izy ireo dia nandeha tany Sodoma, ary nitory ny Filazantsara sy niezaka niantso azy ireo hivoaka. Tsy nanao an'izany izy ireo; simba izy ireo. Lota, sy ny vadiny, irery ihany, ary ny anankiroa tamin'ireo zananivavy, no nanomboka nivoaka. Ary ny vadiny dia nivadika ho andrin-tsira iray.

⁹⁴ Fa ilay Anankiray izay nijanona sy niresaka tamin'i Abrahama kosa, izay nantsoin'i Abrahama hoe, "Elohim, ny Tsitoha." Genesisy 1, "Andriamanitra! Tamin'ny voalohany, Andriamanitra," Elohim, ilay-ilay Tokana ampy tanteraka, ilay Tokana nisy tamin'ny alalan'ny tenany. Abrahama dia niantso Azy hoe, "Elohim." Ary nipetraka Izy ka nihinana niaraka tamin'i Abrahama; nisotro Izy; tao anatin'ny

nofon'olombelona Izy. Ary diniho ilay famantarana izay Nomeny an'i Abrahama.

⁹⁵ Ankehitriny, niandry ny fihavian'ny zanaka iray izy ireo, zanaka iray nampanantenaina, Isaka. Dimy amby roapolo taona, teo amin'ny dia lavitra iray, efa niandry azy izy ireo, saingy teo amin'ny fiafaran'ilay dia izy ireo. Niseho tamin'ny endrika maro Andriamanitra, tahaka ny Nisehoany nandritr'ireo taonan'ny fiangonana, tao amin'ireo Hazavana, sy ny sisa, tahaka ny Niresahany tamin'i Abrahama, sy tamin'ny alalan'ireo feo. Fa mialoha indrindra ny nahatongavan'ilay zanaka ho avy... Ankehitriny efa nandalovantsika izany, ary fantatrareo fa manao famerenana fotsiny aho, mba hanome an'ity ho anareo. Fa, nanova ny vatan'i Abrahama sy Saraha Izy, taorian'io avy hatrany, mba hahafahan'izy ireo mahazo an'ilay zanaka.

⁹⁶ Mariho, ny famantarana farany izay azon'izy ireo, talohan'ny nahatongavan'ilay zanaka, dia Jehovah niresaka tamin'izy ireo tamin'ny endrika olona iray. Ary ahoana no nahafantaran'izy ireo fa Jehovah io, satria hoy Izy hoe, "Abrahama," tsy hoe Abrama. Andro vitsy nialoha fotsiny, dia nanova ny anarany Andriamanitra. "Aiza ny vadinao, Saraha?" Tsy S-a-r-a-y; fa S-a-r-a-h-a, "mpanjakavavy."

Dia hoy Abrahama hoe, "Ao anatin'ny tranolay izy, Aorianao."

⁹⁷ Dia hoy Izy hoe, "Izaho," mpisolo tena iray izany, "Izaho dia hamangy anao araka ny Fampanantenako. Amin'ny andron'aina, amin'ny faha-valo amby roapolo andro manaraka, dia hisy zavatra iray hitranga amin'i Saraha."

⁹⁸ Ary i Saraha, tao anatin'ny tranolay, dia nitsiky tao anatiny, ka niteny tao am-pony hoe, "Ahoana no hampisy an'izany, hitako fa antitra aho; ary hanana hafaliana amin'ny tompoko ve aho, izay antitra ihany koa, Abrahama?"

⁹⁹ Ary ilay Anjely, na, ilay Lehilahy nanao hoe, "Nahoana i Saraha no miteny an'izany ao am-pony?" Tao anatin'ilay tranolay Taoriany! "Nahoana izy no nilaza fa tsy mety hisy ireo zavatra ireo?" Hitanareo? Lehilahy iray tao anatin'nynofon'olombelona, tahaka ny mpaminany iray, kanefa dia Izany no Elohim izay namantatra ny eritreritra izay tao anatin'ny fon'i Saraha, Taoriany.

¹⁰⁰ Ary hoy Jesosy hoe, "Tahaka ny tamin'ny andron'i Lota, dia ho toy izany koa amin'ny fihavian'ny faran'izao tontolo izao, rehefa ny Zanak'olona," fa tsy Zanak'Andriamanitra, "rehefa ho voambara ny Zanak'olona."

¹⁰¹ Tsy mbola nanana an'izany isika nandritr'ilay taona. Hitanareo ve io fitohizana tanteraka an'ny Soratra io? Indro isika miaina ao anatin'izany. Ireo zava-miafina: na dia ny batisa amin'ny Anaran'ny Tompo Jesosy aza, ary lavitry ny hevity ny an'ny Tokana; sy ireo zavatra hafa ireo, ahoana

no nampidiran'ny Fanahy Masina an'izany ka naneho an'izany tanteraka mihitsy; sy ny Batsian'ny Fanahy Masina marina, ny Famantarana, sy ny sisa, ka nametraka an'izany; ary ahoana no Nametrahany ny mpanavao tsirairay sy ny sisa, tena marina mihitsy. Ary, hitanareo, eo anoloan'ny masontsika mihitsy, fa tsy teny an-jorony izany. Fantatr'izao tontolo izao izany. Jesosy, ilay Zanak'Andriamanitra, manambara ny Tenany amin'ny alàlan'ny Soratra, manao ny Soratra (izay voafidy mialoha ho an'ity andro ity, tahaka azy tamin'io andro io, ary ireo andro *hafa* rehetra) ho velona. Ary ny mino an'Izany, no porofon'ny Fanahy Masina.

¹⁰² Ny fahamarinana, tsy afaka hiteny an'izany ianareo hoe “ny mandeha any am-pianganana” fotsiny no porofon'ny Fanahy Masina. Raha miteny an'izany ianareo, dia manana Azy izany ireo Fariseo. Hitanareo? Tsy afaka miteny ianareo hoe “ny mangovitra na mitsambikina” no ho... Raha miteny an'izany ianareo, dia ireo mpanompo sampy no manana Azy. Raha milaza ianareo hoe “ny miteny amin’ny fiteny tsy fantatra,” inona—inona no fivavahan-devoly tsy miteny amin’ny fiteny tsy fantatra? Ilazao anankiray aho.

Rahalahy Jackson izay mipetraka eto ho an'i Afrika, avy any Afrika, afaka miteny aminareo an'izany izy. Efa tao amin'ireo toby Indiana eto aho, nahita an'ireo mpamosavivavy sy mpamosavilahy mandidy ny tenany, ary mandraraka ny ràny manokana, ka miteny amin’ny fiteny tsy fantatra; ary—ary ilay mpampianatra mpamosavy no mandika an'izany, ary nahita azy ireo nametraka pensily iray ka nanoratra tamin’ny fiteny tsy fantatra. Koa tsy izany no Izy. Fa raha izany . . .

¹⁰³ Inona ilay porofo marina? Hoy Jesosy hoe, “Mba hinoanareo fa Izaho no Izy.” Ary Izy no Teny.

¹⁰⁴ Nahoana no tsy azon'izy ireo Izany? Nahoana no tsy azon'ireo Jiosy Izany? Olona marina izy ireo; olona tsara izy ireo; olona masina izy ireo, ary nisy ireo karazan'olona rehetra; saingy, ho an'izay voafidy mialoha handre ny Teny ihany!

¹⁰⁵ “Ary ahoana no hahafantaranareo fa ny Teny izany? Ny tsirairay avy dia milaza an'izany.”

¹⁰⁶ Izany no teny fikasan'ny Baiboly izay voamarina ho an'ilay taona, eo ianareo izao, noho izany dia miverina eo amin'izay misy ny Fanahy Masina ianareo. Diniho ilay feon'ny Trompetra ao anatin’ny minitra vitsy, izay Ambarany. Ny Trompetra, ny Trompetran'ny Filazantsara, jereo hoe iza no afaka mandre Azy. Tsarovy, fa ireo izay tao anatin'ireo tanàna voarindrina dia tsy afaka nivoaka tamin’ny jobily. Tsia, tompoke. Tao anatin’ny rindrina izy ireo; nijanona tao izy ireo. Tapitra ilay izy; andevo izy ireo tamin’ny androm-piainany sisa, ary tsy maintsy nasiana marika. Ankehitriny araky ny ahitantsika an'ireo modely ireo, dia mariho.

¹⁰⁷ Ankehitriny, ireo fanao ireo, Malakia 4, sy io rehetra io, ary ny Hebreo 13:8, “Jesosy Kristy no tsy miova omaly, anio, ary mandrakizay,” dia mijanona ho Teny mandrakizay Izzy, ny Teny tonga voaseho. Izany marina tokoa no Nambarany an’ireo mpaminany. Ny *mpaminany* iray dia tsy midika fotsiny hoe “mpahita iray na mpilaza mialoha;” ny dikan’izany dia “mpanambara iray ny Teny izay voasoratra.” Ao amin’ny fiainany manokana, ao amin’ireo asany manokana, dia manambara sy manamarina ny Teny an’ilay andro izy; tahaka an’i Noa nanamboatra ny sambofiara; i Mosesy tany; iza ihany koa; sy ny teny fikasana rehetra, ilay Teny nampanantenaina ho an’ilay ora.

¹⁰⁸ Ankehitriny dia fantatsika fa miaraka amintsika Izzy. Mino an’izany isika. Hitanareo ny Teny tonga voaseho, amin’ny alàlan’ireo sary, amin’ny alàlan’ireo Soratra, amin’ny alàlan’ireo fanambarana eny amin’ny Lanitra, ety an-tany, ny zavatra hafa rehetra izay Nolazainy. Tsy diso mihitsy izany na indray mandeha aza. Mangataka olona iray aho haneho amiko, avy amin’ny ampahany samihafa eto amin’ny firenena, na manerana an’izao tontolo izao, ianareo dia—ianareo dia terena hanoratra amiko sy hilaza amiko, hoe taiza no mba nahadiso an’izany indray mandeha. Tanteraka, ara-bakiteny, ankehitriny, izany no teny fikasana iray.

¹⁰⁹ Nahoana Izzy no tsy maintsy hiseho amin’izao andro farany izao? Raha miverina ianareo, ary ianareo mpihaino horonam-peo, eo amin’*Ilay Hazo Ampakarina*, dia tonga eo amin’izay nisy an’i Kristy, ilay Hazo izay tao amin’ny sahan’i Edena. Ilay Adama voalohany izay lavo; ary ity Adama Faharoa izay nesorina noho ny fahotana ity. Nahanton’izy ireo teo amin’ny hazo Romana iray Izzy, ary avy teo amin’izany no nitarihana ny... nivoahan’ilay Hazo Ampakarina izay Nampanantenainy, izay hitantsika ao amin’ireo Soratra, ankehitriny, mba hahazoana an’ilay Ampakarina.

¹¹⁰ Tahaka an’ilay pyramida, ahoana no nahatonga azy ho ao amin’ilay havitsiana foana, avy tao amin’ilay velarana lehibe; avy tao amin’i Luther, Wesley, Pentekosta, ary avy eo ilay vato sarona teo an-tampony dia tena maranitra, ary ny tsirairay avy amin’ireo vato ireo dia tena niara-nipetraka tanteraka tokoa. Ary isika dia tsy mahafantatra hoe ahoana no nanaovan’izy ireo an’izany, fa niara-nipetraka tanteraka tokoa ilay izy tao amin’io pyramida io! Fa tsy mampianatra pyramida isika ankehitriny, isika fotsiny dia...

¹¹¹ Enoka sy izy ireo no nanamboatra an’izany, taona maro lasa, ary mijoro ho marika iray izany. Mitovy fotsiny amin’ny masoandro mipozaka sy milentika; mitovy fotsiny amin’ny hazo manintsana ny—ny raviny, ary miverina indray; tahaka ny trondro iray, sy ny biby fiomby, ary ny zavatra hafa rehetra izay manamarika an’izany. Io pyramida io dia mijoro ho marika iray.

¹¹² Midira ao amin'ilay efitranon'ny mpaminany dia diniho ireo tohatra fito. Taiza ilay—taiza ilay mpiambina no nanao fihaikana mba hampiditra an'ilay mpihavy teo amin'ny fanatrehan'ny mpanjaka? Teo amin'ny tampon'ireo tohatra; teo amin'ny tohatra fahafito izy. Izany no maneho fa tsy maintsy manatona miaraka amin'io Fanahy iray ihany io indray isika izay teo amin'i Jaona; izy no nampidittra ny Mesia. Izy dia lehibe noho ireo mpaminany rehetra; izy no nampidittra Azy. Ary isika dia tsy maintsy manatona eo amin'ny toerana iray, indray, eo amin'ny zavatra iray izay hampiditra ny Mesia.

¹¹³ Ary ahoana ilay Mesia...no hahafantaran'ireo olona izay mino Azy raha tsy ao amin'ny Teny tsy an-kitsahatra izy ireo, mba hahafantatra hoe inona Izy! Hoy i Daniela hoe, "Ny hendry no hahafantatra; fa ny adala, ny tsy hendry, dia tsy hahafantatra. Hahafantatra ny Andriamaniny izy ireo." Ankehitriny, ankehitriny, ahoana no Hisehoany amin'ny andro farany, dia ny hitondrana ny olona hiverina amin'ny Teny, mba hahafantaran'ny Ampakarina ny Vadiny, hahafantarany ny Sakaizany, ilay Teny voambara. Izany no antony tsy maintsy hitrangan'izany.

¹¹⁴ Tsy tao amin'ireo mpanavao izany; tsy tao amin'i Luther, Wesley, sy—sy ireo Pentekotista, ary izy ireo. Ny Soratra dia milaza fa tsy tao izany.

¹¹⁵ Fa ho avy izany. Izany no Fampantanenany ho an'ity taona ity. Miaina ao anatin'ny taona izay hisy ny Fihaviany isika. Tsy maintsy voatondro ao Aminy Izy. Ny vehivavy rehetra dia tsy maintsy voatondro miaraka amin'ny vadiny, satria izy roa ireo dia iray ihany. Ary ny Ampakarin'i Kristy dia tsy maintsy voatondro miaraka Aminy, satria izy roa ireo dia Iray ihany; ary Izy no Teny, fa tsy ny anaram-piagonana. Ny Teny! Tsy maintsy ho zanaky ny Hazavana isika, ary ny Hazavana dia ny Teny izay natao ho Hazavana ho an'ity taona ity. Ahoana no hahafantarantsika ny Hazavana raha tsy tonga avy amin'ny Teny Izany? Eny àry. Ny Teny tonga nofo no Hazavan'ilay taona; rehefa hitanareo Izany, ary ny Baiboly no niteny an'izany.

¹¹⁶ Ireo olona ireo dia njery an'i Jesosy teo, ka nanao hoe, "Eny, io Lehilahy io, Iza Izy? Nahoana, Izy dia teraka, fahaterahana tsy ara-dalàna iray teto. Nahoana, ny Rainy sy ny reniny dia *ity, itsy*, ary ny *hafa*, sy io rehetra teo io." Fa tsy nahafantatra Azy izy ireo. Raha nahafantatra ny Soratra izy ireo, dia ho nahafantatra Azy izy ireo. Izy no niteny an'izany.

Hoy izy ireo hoe, "Mpiamatr'i Mosesy izahay!"

¹¹⁷ Hoy Izy, "Raha nahafantatra an'i Mosesy ianareo, dia ho nahafantatra Ahy ianareo, satria i Mosesy dia nanoratra ny Amiko." Dia mbola jamba loatra foana mba hahita an'Izany!

¹¹⁸ Hitanareo ve hoe manetry tena toy ny ahoana? Lavitra an'ireo tarika, sy ireo anaram-piagonana, ary ireo fanekem-

pinoana, sy ny sisa. Niditra avy hatrany Andriamanitra, tao anatin'ny nofo, tao amin'ny endrika Lehilahy iray, Havana Mahavotra iray.

¹¹⁹ Tsy maintsy voatondro miaraka Aminy Izy. Isika dia nasaina mba ho zanaky ny Hazavana, mba handehanantsika ao amin'ny Hazavana.

¹²⁰ Tsaroako tany Kentucky, teto vao tsy ela akory izay, nanana fivoriana iray aho. Tany ivelany, rehefa avy nivoaka ny fiangonana aho, dia nisy lehilahy antitra iray nitsangana, miaraka tamin'ny fanilo iray teny an-tanany. Nikambana tamin'ny fiangonana iray izay tsy mino ny fanasitranana izy, sy ny sisa. Hoy izy, "Izaho—izaho dia tsy mitovy aminao, Rahalahy Branham."

Hoy aho hoe, "Eny, manana zò hanao an'izany ianao."

¹²¹ Hoy izy hoe, "Hitanao, tsy hanaiky zavatra anankiray mihitsy aho raha tsy hitako ilay izy. Tsy maintsy hitako ilay izy, mazava tsara."

¹²² Hoy aho hoe, "Koa efa mba nahita an'Andriamanitra ve ianao, mazava tsara, nitsangana teo anoloanao?" Mazava ho azy, fa tsy nino ny fahitana sy ny sisa izy.

Hoy izy hoe, "Tsia."

¹²³ "Nahoana," hoy aho, "koa tsy mpino iray izany ianao, tompoko. Tsy afaka hiresaka aminao aho. Hitanao? Hitanao? Mahita an'izay ampanantenain'Andriamanitra isika ary mihazona amin'Izany."

¹²⁴ Hoy izy hoe, "Ahoana no hanoritanao an'izany?" Hoy aho.... Hoy izy hoe, "Avia, ndao ho any an-trano miaraka amiko ka hiresaka izao hariva izao."

Hoy aho hoe, "Tsy afaka aho; tiako izany. Aiza ianao no mipetraka?"

Hoy izy hoe, "Mandeha any ambadik'io tendrombohitra eto io ianao."

¹²⁵ Hoy aho hoe, "Ahoana no hahatongavanao any? Ianao tsy mahita ny tranonao." Ah-hah. Ah-hah. Hia. Hia.

Hoy izy hoe, "Eny, misy lalan-kely iray izay mandeha mankany amin'ilay havoana."

Hoy aho hoe, "Ianao tsy mahita an'ilay lalankely." Ah-hah.

Hoy izy hoe, "Eny, manana fanilo iray aho."

¹²⁶ Hoy aho hoe, "Ny fanilo dia tsy haneho ny hazavana ao amin'ilay trano avy hatrany. Oh, tsia. Fa io lalan-kely io no hitarika mankany amin'ilay trano. Fa io fanilo io dia haneho hazavana fotsiny ho an'ny dingana iray isaky ny mandeha."

¹²⁷ Handeha ao amin'ny Hazavana isika, ilay Hazavana tsara tarehy; dingana iray isaky ny mandeha, Tompo, manatona Azy

akaiky kokoa. Hia. Ry zanaky ny Hazavana, ekeo ny Teniny, manohiza mandeha ary diniho ny fisokafany betsaka. Aza miala amin'Izany, tsy mampaninona izay lazain'ny olon-kafa. Mijanòna tsara ao amin'Izany ary manohiza mandeha miaraka amin'Izany fotsiny, diniho Izany fa misokatra sy manambara ny Tenany. Ny Teny dia Voa iray; ny voa ao amin'ilay karazana tany tsara dia hamokatra ny karazany.

¹²⁸ Mariho ny Apokalypsy 10:1 hatramin'ny 7, ireo zava-miafina rehetra dia tsy maintsy voambara amin'ilay Ampakarina, amin'ny alàlan'ilay iraky ny Fiagonana Laodikia. Misy olona manana Baiboly Voahitsy Dika ve? Raha manana ianareo, dia ho voamarikareo eo amin'izay voalaza hoe, "ilay anjely," ao anaty fononteny izany dia milaza hoe, "ilay voromahery." Hitanareo? Ah-hah. Ah-hah. Hitanareo? Ilay iraka ho an'ny—ny Fiagonana Laodikia, hitanareo, Apokalypsy 10:1 hatramin'ny 7.

¹²⁹ Ary nolazainy fa io...tamin'io andro izay nahitany Azy nidina io, dia nohaniny ilay boky kely. Ary nisy... "Izy nametraka ny tongony anankiray teo ambonin'ny tany, ary ny anankiray teo ambonin'ny ranomasina, ka nianiana Taminy izay velona, ary mandrakizay sy mandrakizay, hoe, 'Tsy hisy andro intsony.'" Ary rehefa Nataony izany, dia namoaka ny feony ireo Kotrokorana Fito. Ary rehefa namoaka ny feony ireo Kotrokorana Fito, dia efa saiky nanoratra i Jaona. Fa hoy Izy hoe, "Aza soratana Izany." Ah-hah. Hitanareo? Ary nasiany tombokase Izany.

¹³⁰ Ankehitriny, nisy olona iray nanao hoe, "Eny, ireo Tombokase Fito ireo ve, tamin'izany fotoana izany, Rahalahy Branham, izay ho voambara amin'ny andro farany, dia ho zava-miafina lehibe iray hoe ahoana no hanatonantsika akaiky kokoa an'Andriamanitra?" Tsia, tompoko, tsy mety izany.

¹³¹ "Na iza na iza manaisotra Teny iray avy ato amin'ity Baiboly ity, na manampy teny iray ao Aminy, dia hesorina ny anjarany, amin'ny Bokin'ny Fiainana." Ilay izy dia fanambarana iray ny amin'izay nohadinoina taty aorianatry, mba ho entina. Izany dia efa voasoratra *Eto*. Izany dia Ato. Izany dia ny hanambarana an'izay efa voasoratra. Hitanareo? Satria, tsy afaka manampy zavatra anankiray amin'Izany ianareo, na manaisotra Teny anankiray avy amin'Izany.

¹³² Ny toko voalohany an'ny Apok-...an'ny—an'ny Baiboly, tamin'ny voalohany, Genesisy. Tsy hoe tsy nino an'Izany ny vehivavy anankiray, fa diso fandika fotsiny izy, namela an'i Satana handika diso aminy, teny anankiray, "azo antoka." Hitanareo? Ary avy eo, avy tamin'izany, no niteraka an'izao olana rehetra izao. Ary izany no Andriamanitra miteny, Tenin'Andriamanitra.

¹³³ Ary ao amin'ny toko faran'ny Apokalypsy, Jesosy Izy tenany, ilay Andriamanitra iray ihany, no nanao hoe, "Na iza na

iza hanaisotra Teny anankiray, na hanampy teny anankiray amin'Izany."

¹³⁴ *Ity* no fanambarana feno an'i Jesosy Kristy. [Nikapoka ny Baiboliny Rahalahy Branham—Mpand.] Ary ireo Tombokase Fito ireo no nanana an'ireo zava-miafina nafenina, ny amin'ny hoe inona Izany rehetra izany; ary natao hosokafana Izany amin'ny andro farany, ao amin'ny taona Laodikiana, amin'ny fiafaran'ny fotoana. Ho an'Andriamanitra ny saotra! Izany no mamarana ny Hafatra ho an'ilay Fiangonana. Izany no mamarana Azy. Rehefa mijery any aoriana izy ireo ka mahita hoe inona izany, ary mahita hoe tonga hatraiza ilay izy, dia izany no mamarana Azy, ny taonan'ilay Fiangonana.

¹³⁵ Ankehitriny mariho fa ireo trompetra izay ho resahantsika, dia antso iray mba hitambarana na ho an'ny fety iray, ho an'ny ady, ho an'ny olona iray, andro masina iray, na zavatra tahaka an'izany. Mariho. Hoy ianareo hoe, "Ho an'ny olona iray?" Hia. Na, ho an'ny taon-jobily, ilay filazana ny fihavian'ny fahafahana, raha afaka miverina izy ireo; ankehitriny, afaka maka maraina iray manontolo isika eo amin'io zavatra anankiray io fotsiny. Saingy, ankehitriny, dia miditra ao amin'ireo trompetra. Manana an'ilay niaingana ianareo ankehitriny, ny amin'ireo Tombokase sy ny Fiangonana, ankehitriny dia hiditra ao amin'ny trompetra isika. Naneno ny trompetra, ary ny trompetra dia milaza na ady, na andro fety iray. Na, ny dikan'izany, dia, "fanangonana miaraka an'ny vahoaka iray," ny *trompetra*.

¹³⁶ Hoy i Paoly hoe, "Raha manao feo hafahafa ny trompetra, dia iza no hanomana ny tenany ho amin'ny ady, na ho an'ny fandriampahalemana, na inona na inona ilay izy?" Iza no mahafantatra? Tsy maintsy fantatrareo izay tsوفin'ilay trompetra.

¹³⁷ Noho izany, rehefa mitsoka ny trompetra, dia mahita zavatra iray eto an-tany isika amin'izao andro izao. Misy olana lehibe iray any ho any. Ny olona rehetra dia mahafantatra an'izany. Ny olona rehetra dia lasa marary saina. Izao tontolo rehetra izao dia tontolo marary saina iray, ary fantatsika fa misy zavatra tsy mety ao. Ny Pentagon, na aiza na aiza, dia fantatsika fa misy zavatra tsy mety ao.

¹³⁸ Ankehitriny, ny fomba tokana hahafantaranareo hoe inona ilay feon'ny trompetra, dia ny mijery an'izay lazain'ilay Naotin'ny Mozika. Hitanareo? Izay ihany. Feon-kira lehibe iray izany, hitanareo, ary ban-kira.

¹³⁹ Ohatra, *Petera sy ny Lopa*, hitanareo, rehefa ianareo... raha ny... Ary ilay—ary ilay mpamoron-kira no nanoratra ny boky, ary ilay mpitarika dia tsy maintsy ao amin'ny fanahy iray ihany an'ilay mpamoron-kira. Raha tsy izany izy, dia manome ban-

kira diso izy, ary amin'izay fotoana izay dia tsy mety ilay zavatra manontolo.

¹⁴⁰ Izay ilay olana amin'izao andro izao. Manana mpitarika maro loatra isika ao amin'ny...tsy ao amin'ny Fanahin'ilay Mpamoron-kira. Hoy izy ireo hoe, "Ny anaram-piagonana, eny, izahay dia mino an'ity."

¹⁴¹ Tsy mampaninona izay lazainareo, fa ny Baiboly no marina. Ataovy ny ban-kira arak'ilay Naotin'ny Mozika izay eto anoloany eto mihitsy, amin'izay fotoana izay dia milalao azy marina fotsiny ilay feon-kira lehibe an'ny asa lehibe an'Andriamanitra, amin'izay fotoana izay dia afaka mahita an'ilay ora isika sy hoe aiza no itsanganantsika.

¹⁴² Ankehitriny mariho, ny trompetra dia natao hiantso ny olona hiaraka, hampitambatra ny tenany hiaraka ho an'ny zavatra anankiray. Indraindray dia manambara olona malaza iray izany.

¹⁴³ Ohatra tamin'i Josefa, nitsoka trompetra izy ireo, ary niseho i Josefa; izany dia ny—ny marika iray an—"ilay Trompetra Lehibe" izay resahantsika, ary ho hitantsika afaka kelikely, ao amin'i Isaia. Izany dia manao hoe, "Rehefa tsofina ilay Trompetra Lehibe, rehefa hakarina io faneva io, any ambony any; ary amin'izay fotoana izay dia ho avy ny fotoana iray izay hitsofana an'ilay Trompetra Lehibe, ka ny firenena rehetra dia hiangona ao Jerosalema." Izany dia rehefa manomboka ny Arivo taona; ilay Trompetra Lehibe.

¹⁴⁴ Ankehitriny, io fiantsoana io, an'ny fetin'ny trompetra, ny fanatonan'ny zavatra anankiray. Mariho ny Apokalypsy 8:7, raha te-handray naoty ianareo. Mahamarika an'ilay Trompetra Voalohany isika, dia niparitaka ireo havandra, rà, afo, teto ambonin'ny tany; tena mitovy tanteraka amin'ny Eksodosy mihitsy, rehefa niantso ny Olony hivoaka Andriamanitra, tamin'ilay fifindrana.

¹⁴⁵ Ankehitriny, ny antony tsy ampiharana an'ireo Trompetra Fito ireo tamin'ity Fiagonana sy taona ity, dia satria ho an'ny Isiraelly irery ihany izany. Izany dia fiantsoana, ho an'ny fanangonana ny olona. Ary ankehitriny dia misy dikany anankiray fotsiny ihany eto izay tiako ho azonareo, ao anatin'ny minitra vitsy, dia ny hahitanareo hoe nahoana no tsy ampiharana an'izany amin'ity taona izay iainantsika ity; ireo Trompetra Fito.

¹⁴⁶ Fantatro fa olona maro no tsy mitovy amin'izany, saingy fantattro fa izany ilay izy. Fantattro ilay izy. Tsy hoe satria izaho no milaza dia milaza an'izany ianareo; satria, tsy azoko avy tamin'ny tenako izany. Ny—ny eritreritro dia tsy ahy manokana. Na inona nolazain'Izany tamiko, raha diso Izany, amin'izay fotoana izay dia diso ilay izy. Fa tsy miteny amin'ny alàlako manokana aho, miteny amin'ny alàlan'izay nolazain'ny Olona

iray hafa aho. Io Olona iray hafa io dia ilay Andriamanitra izay niresaka tamintsika ka nanao an'ireo zavatra rehetra izay Nataony ireo, ary niseho, hitanareo, noho izany dia fantatro fa marina izany.

¹⁴⁷ Ny—ny fanangonana an'ny Isiraely dia ireo Trompetra ireo. Ireo Trompetra dia natao hanangona ny Isiraely. Mariho, ilay tena Trompetra Voalohany dia nitsoka; rà, afo, havandra, sy ny sisa, neparitaka tamin'ny tany. Hitanareo? Inona no Nataony? Nitondra ny Isiraely hivoaka avy ao Egypta arapanahy, hitanareo, hiverina any an-tanindrazany.

¹⁴⁸ Ankehitriny dia mamelà ahy hilaza an'izany tsara eto, hoe, ny Trompetra rehetra izay naneno, dia naneno teo ambanin'ny Tombokase Fahanina. Ho tonga eo amin'izany isika ao anatin'ny minitra vitsy, teo amin'izay nahazoantsika an'ilay Tombokase teo. Ny Trompetra rehetra dia nitsoka teo ambanin'ny Tombokase Fahanina.

¹⁴⁹ Satria, ny Tombokase Fahafito, dia nisy fahanginana. "Tsy nisy olona nahafantatra; izany ilay minitra na ora izay hahatongavan'i Kristy," araka ny Nanambarany an'izany tamintsika.

¹⁵⁰ Fa ny Trompetra rehetra dia nitsoka teo ambanin'ny Tombokase Fahanina, teo ambanin'ilay fanenjehana an'ireo Jiosy. Mariho, Apokalypsy ankehitriny, ny faha-8, ary manomboka amin'ny andininy faha-7. Ireo rehetra ireo dia fiantsoana ny Isiraely hivoaka, ara-nofo, tao Egypta; ankehitriny izany dia fiantsoana ny Isiraely hivoaka, ao amin'ny hevitra ara-panahy. Nanomana azy ireo ho tonga amin'ny fetin'ny Fanaovam-panavotana Izy.

¹⁵¹ Mariho, ny fetin'ny trompetra no nisy aloha, izay ny pentekosta. Ny fetin'ny fanaovam-panavotana no nanaraka an'izany, dimampolo andro taty aoriania. Ny fetin'ny fanaovam-panavotana, vakio izany eto. Isika dia, angamba, raha manana fotoana isika, dia hitodika amin'izany isika ary hamaky an'izany aminareo avy ao amin'ny Baiboly, eto amin'ny Levitikosy 12, ankehitriny, na Levitikosy 23, raha ny marina, sy Levitikosy 16. Hitantsika fa ny voalohany dia ny fetin'ny—ny trompetra. Nisy ny fanaovam-panavotana sy ny...taorian'ny nanarahany ny pentekosta, ankehitriny dia hitantsika...Ny fetin'ny fanaovam-panavotana no nanaraka ny fetin'ny trompetra.

¹⁵² Ankehitriny mariho, nitsoka ny Trompetra iray, ary izany dia natao hanangona azy ireo miaraka. Ankehitriny, naneno ilay Trompetra Voalohany, dia nisy ny havandra, rà, afo, neparitaka teto ambonin'ny tany, tena tahaka ny tany Egypta mihitsy, miomana ny hiantso azy ireo ho amin'ilay Andron'ny Fanaovam-panavotana. Hitanareo? Nolavin'izy ireo ilay Fanaovam-panavotana marina. Ary ireo taona izay nohalavaina eto ireo, dia

ny taonan'ny pentekosta. Hitanareo? Ankehitriny ny fitsofana ho an'ireo Jiosy no tonga manaraka.

¹⁵³ Izany no fiantsoana hivoaka an'ilay Fiangonana. Diniho tsara mihitsy. Ankehitriny, fa, taorian'izany, dia Nentiny tao amin'ilay tanin'ny fampanantenana izy ireo; ary izany ihany no Hataony, ao amin'izany, ao amin'ny marika, Entiny any amin'ilay tanin'ny fampanantenana ilay Fiangonana.

¹⁵⁴ Tsarovy, ny Trompetra rehetra dia nitsoka teo ambanin'ny Tombokase Fahlenina, tamin'izany ihany izy no nitsoka.

¹⁵⁵ Mariho ankehitriny, marina tokoa, ilay fitohizan'ny Soratra, tena mitovy marina tokoa. Teo ambanin'ny Trompetra Fahafito, dia ho an'ny Isiraely tahaka ny Tombokase Fahafito izay ho an'ny Fiangonana. Hitantsika, eo ambanin'ny Tombokase Fahafito, fa rehefa ireo fanahy izay teo ambanin'ny alitara, izay nahazo akanjo lava... Nomena akanjo lava izy ireo, tsy hoe satria mendrika an'izany izy ireo, satria izy ireo dia tao anatin'ilay fizaram-potoana izay mbola nampiasan'Andriamanitra ny fahasoavana tamin'ireo Jentilisa, fa tsy ireo Jiosy. Isiraely dia voavonjy amin'ny maha-firenena iray. Andriamanitra dia mifanaraka amin'ny Isiraely amin'ny maha-firenena iray. Ireo Jentilisa dia "vahoaka iray ho an'ny Anarany," fa tsy firenena iray ho an'ny Anarany. Isiraely!

¹⁵⁶ Ary rehefa nanenjika an'ireo Jiosy i Hitler sy izy ireo, ka nanao an'ireo zavatra izay nataony teo ambanin'izany; jereo, izy ireo, Stalin, Hitler, ary ireo mpanao didy jadona rehetra ireo dia nipoitra. Raha nanana fotoana isika, dia, hamerina an'izany amin'ireo vao tonga sasany, fa efa nandalovantsika izany. Teo ambanin'io taona io ihany, izay nisy tany Alemaina sy—sy ireo firenena hafa rehetra, niperitaka nanerana ny firenena rehetra ireo Jiosy. Fa nipoitra kosa, tao amin'ireo roapolo taona farany, ny fanenjehana mangidy iray nanohitra an'ireo Jiosy.

¹⁵⁷ Efa tany amin'ireo toerana fahiny aho izay nandorany ny vatan'izy ireo, sy nandevonany, ary nampiasany an'ireo... nampiasany an'ireo lavenona hampahalonaka ny tany, ireo ankizy Jiosy, sy vehivavy, sy ny sisa. Avy eo dia miezaka ny mandà an'izany izy ireo; ento avy hatrany izy ireo ary asehoy azy ireo hoe taiza izany no natao.

¹⁵⁸ Fanenjehana mangidy iray nanohitra an'ny Isiraely izany, satria izany no fotoana izay niantso azy ankehitriny hiverina any amin'ilay Fanaovam-panavotana. Mbola eo ambanin'ny fanaovam-panavotana avy amin'ny zanak'ondry ara-nofo foana izy. Ilay tena Zanak'ondrin'Andriamanitra no Fanaovam-panavotana, nefo nolaviny Izany, ary teo amboniny ilay Rà nanomboka teo. Mariho, manomana ny olona! Tanteraka toy ny ahoana àry ilay Trompetra Fahafito sy ilay Tombokase Fahafito, miaraka tanteraka, ilay fanenjehana an'ireo Jiosy.

¹⁵⁹ Raiso naoty, ao amin'ny Apokalypsy ny toko faha-9 ary ny andininny faha-13, mariho tsara ankehitriny, eo ambanin'ny Trompetra Fahrenina. Apokalypsy 9:13, eo ambanin'ny Trompetra Fahrenina, raiso naoty, fa nisy mpitaingin-tsoavalny roa hetsy izaynofatorana teo amin'ny onin'i Eofrata, no navotsotra teo ambanin'ny Trompetra Fahrenina. Ankehitriny dia tsy misy mpitaingin-tsoavalny roa hetsy eto amin'izao tontolo izao; fa nisy mpitaingin-tsoavalny roa hetsy. Mariho izany. Tiako ho raisinareo naoty izany, mba hahafahanareo hamaky azy.

¹⁶⁰ Tsy soavalny ara-nofo izy ireo. Mamoaka fofon'aina afo izy ireo, ary nanana fiarovan-tratra jaspy izy ireo, ary—ary nanana rambo izy ireo. Ary ny faran'ilay rambo dia tahaka ny menarana iray, lohan'ny bibilava iray teo amin'ny faran'izany, nanindrona. Hitanareo? Soavalny ara-panahy izany, devoly ara-panahy, mpiady, izaynofatorana tao Eofrata nandrity'reo taona rehetra ireo, devoly ivelan'ny voajanahary. Inona izany? Ilay Fanapahana Romana tranaainy velona indray; ilay fanenjehana an'ireo Jiosy. Nofatorana izy ireo nandrity ny roa arivo taona teo ho eo, teo amin'ny onin'i Eofrata, tsy afaka niampita tao amin'ilay teny fikasana; sekta ara-pivavahana iray izay niezaka ny handeha teny amin'ilay ilany hafa. Eofrata, fantatrareo, dia nandalo tao Edena. Fa nofatorana teo izy ireo, devolin'ny fanenjehana roa hetsy.

¹⁶¹ Ary mariho izay mitranga eo ambanin'io Trompetra Fahrenina io. Navotsotra teo amin'ireo Jiosy izy ireo; ilay fanenjehana an'ireo Jiosy. Devoly ivelan'ny voajanahary, roa arivo taona teo ho eo, avy eo dia navotsotri' Stalin, Hitler, teo amin'ireo Jiosy. Hoy ianareo hoe, "Eny, tsy Romana izany." Ilay fanahy iray ihany izany. Manao an'ireo zavatra mitovy tamin'ny nataony tamin'ireo Kristiana izy ireo, tamin'ireo andron'ny Romana mpanompo sampy fahiny. Ankehitriny jereo ilay Isiraely ara-nofo, sy ilay Fiangonana ara-panahy ankehitriny, raha manavaka an'izany isika eto. Navotsotra teo amin'ireo Jiosy.

¹⁶² Tsarovinareo, eo ambanin'ny Tombokase Fahrenina, hoe ahoana fa ny tsirairay avy tamin'ireo maritiora ireo, araka—araka ny Tenin'Andriamanitra, dia nahazo akanjo lava. Nomena azy ireo noho ny fahasovana izany, satria nohajambaina izy ireo mba tsy hahafahan'izy ireo mahita ny Filazantsarany, mba hahatonga an'ity vahoaka ity ho voaantso hivoaka avy ao amin'ireo Jentilisa mba ho—ho Ampakarina. Nomena akanjo lava izy ireo, ny Baiboly no milaza eto, teo ambanin'io Trompetra io. Ireo Jiosy ireo, izay manohitra tanteraka tokoa an'i Kristy sy ny sisa; ny antony nanoherany, dia satria ny Baiboly no nilaza fa nohajambaina izy ireo. Ary nohajambaina izy ireo noho ny aminareo. Ary ilay Andriamanitra marina no mahafantatra fa ho nandray Azy izy ireo, saingy natao ho jamba izy ireo noho ny aminareo. Ny Baiboly no niteny an'izany.

¹⁶³ Io ilay fanapahana Romana, voafatotry ny (inona?) ny fahefana ara-pivavahana. Fa, Roma, Roma mpanompo sampy dia lasa Roma papaly, ary voafatotra teo tao anatin'ireo fombafomban'ny Kristiana. Ampahan'ny Kristiana toy ny inona, sy—sy ireo finoanoam-poana no azony avy tamin'i Roma izay nametraka an'ireo rehetra ireo niaraka; fivavahana amin'ny vehivavy, sy ireo karazan-javatra hafa rehetra ireo, sy ireo andro Krismasy, sy ireo fety, ary ireo andro masina, sy ny sisa. Voafatot'io fombafomba io izy ka tsy afaka navotsotra izany, satria manohitra an'ireo fitsipika Kristiana izany. Mbola ilay fanahy tsy masina iray foana ihany, mpanompo sampy! Ary io fanahy io no neparitaka ao amin'ireo firenena an'izao tontolo izao, arak'ireo faminanian'i Ezekiela sy ny sisa amin'izy ireo.

¹⁶⁴ Ary navotsotra teo amin'ny Jiosy izy ireo, izay tsy mahafantatra na inona na inona ny amin'ny Fanahy. Io ireo zava-miafinareo izay miafina eo ambanin'io Tombokase eo io. Hitanareo? Mariho izany. Efa nandalovantsika izany. Ary haneho aminareo an'ity Trompetra eto ity aho, ity Trompetra farany ity, izay miseho. Eo izy ireo. Ireo Trompetra ireo dia navotsotra teo amin'ireo Jiosy, (tsy hitanareo ve?) fa tsy teo amin'ireo Jentilisa. Ny Jentilisa, rehefa nosokafana ireo Tombokase ireo, dia voaisy tombokase; tapitra ny fotoana; nantsoina ilay Fiangonana.

¹⁶⁵ Tsaroanareo ve ilay fahitana indray andro? Tsaroanareo ve fi-... ny fahitana mialohan'izany? Firy no mahatsiaro, tamin'ny Alahady talohan'ny farany? Toy ny ahoana no naha-teo azy marina tokoa, nandalo. Efa hitantsika izany, marina tokoa, nahita an'ilay zavatra maloto, feno loto tonga, nantsoina hoe ny fiangonana, faharatsiana tafahoatra. Ary ilay Ampakarina kely, avy amin'ny firenena rehetra, ny tsirairay avy tamin'izy ireo dia niakanjo mitovy amin'ny firenena nihaviany, namindra tanteraka fotsiny teo anatrehan'ny Tompo.

¹⁶⁶ Marihonareo, fa hisy ny fotoana iray, indray andro any, izay hilazan'izy ireo hoe, "Eny, nihevitra aho fa ny Fiangonana dia tsy maintsy lasa alohan'ilay fanenjehana. Nihevitra aho fa efa nisy ny Fampakarana iray."

"Efa nandalo izany fa ianareo no tsy nahafantatra azy."

Izany no Nolazainy mikasika an'i Jaona indray mandeha, fantatrareo.

¹⁶⁷ Hoy izy ireo, "Ahoana, nahoana ireo mpaminany no milaza fa ny... ireo mpanora-dalàna, fa Elia dia tsy maintsy tonga aloha?"

¹⁶⁸ Hoy Izy hoe, "Efa tonga sahady izy." Ary na dia ireo mpianatra aza tsy nahafantatra an'izany. "Nanao izay tiany natao taminy izy ireo."

¹⁶⁹ Hitovy amin'izany ihany koa ny Fampakarana. Amin'ny—amin'ny ora iray... Izy no nampanantena fa hanao an'izany.

Tsy nampanantena ny haneho an'i Elia tahaka an'izany Izy, fa nampanantena Izy ny haka ny Ampakarina tahaka an'izany. "Amin'ny ora izay tsy eritreretinareo," fiovana iray fotsiny, amin'ny fotoan'ny indray mipy-maso, dia halaina. Amin'izay fotoana izay dia ho tavela ianareo, dia izany ilay fotoana!

¹⁷⁰ Roa arivo taona, io fanahy teo amin'ireo vahoaka Romana io, ilay fiangonana Romana, no tsy afaka nihetsika. Fa io fanahy iray io ihany izay tonga, aloha, tao amin'i Mussolini tany Roma tany, ilay mpanao didy jadona. Fantatrareo ireo dimy . . .

¹⁷¹ Ireo zavatra fito izay Nasehony tamiko, tamin'ny '33, dia hiseho. Dimy amin'izy ireo no efa niseho. Eo am-panoratana boky iray ny amin'izany ny Dokotera Lee Vayle ankehitriny. Hitanareo? Zavatra dimy, tanteraka mihitsy, ary zavatra roa fotsiny sisa no hitranga. Hoy Izy, "Hitranga izany mialoha indrindra an'ilay Fihaviana." Indro isika eo amin'ny farany mihitsy ankehitriny, ary toy ny hoe efa manomboka mihetsika ilay zavatra fahenina. Hitanareo? Tanteraka mihitsy, marina tokoa, na dia ireo ady aza sy ny hoe ahoana no hitrangan'izy ireo, tena marina hatrany amin'ny teboka mihitsy, ary tsy mbola diso izany na dia indray mandeha aza.

¹⁷² Henoy, ry havana, tokony hanao jery todika isaky ny ora isika. Tsy fantatrareo hoe aiza isika no mitsangana. Tena akaiky!

¹⁷³ Ankehitriny, ankehitriny dia namotsotra izy, teo ambonin'ny, ambanin'io Tombokase Fahlenina io, ireo demony ara-panahy roa hetsy ireo, nanomboka tao Roma, Alemania, Hitler. Ary mariho ato amin'ny Baiboly, izay nahazoan'izy ireo, tsy nisy mihitsy . . . Nahazo fahefana toa mpanjaka izy ireo, saingy tsy voaisy satroboninahitra. Ny mpanao didy jadona anankiray dia tsy mpanjaka iray voaisy satroboninahitra; mandray fahefana toa mpanjaka iray fotsiny.

¹⁷⁴ Oh, ilay Fanahin'Andriamanitra dia mihetsika ato anatiko fotsiny ankehitriny, fantatrareo, milaza zavatra anankiray fotsiny. Tsy haiko hoe ahoana no hilazana azy, na inona no ho lazaina, ary tsaratsara amiko angamba ny tsy milaza.

¹⁷⁵ Mariho, roa het- . . . demony roa hetsy no navotsotra teo amin'ireo Jiosy, rehefa nodorany izy ireo, nohomboany izy ireo. Nasiany vaingan-drivotra tao anatin'ny lâlan-drân'izy ireo. Novonoiny izy ireo, mandra-pahatonga azy ireo tsy nanana entona hamonoana azy ireo intsony. Ary notifiriny izy ireo, mandra-pahatongan'izy ireo tsy nanana bala hitifirana azy ireo intsony. Ary izy ireo—ary izy ireo dia nanao ny zavatra rehetra azon'izy ireo natao. Nolevoniny ny vatan'izy ireo, sy ny sisa; ary nahantona teo amin'ny fefy, ireo ankizy sy ny rehetra, olona tsy manan-tsiny. Satria Jiosy izy ireo, dia tahaka izany no nanaovany azy. Fa Andriamanitra no nilaza fa Izy dia nanome ho an'ny tsirairay avy amin'izy ireo akanjo lava iray, na dia

tsy mendrika aza izy ireo; fa ny Fahasoavany no tsy maintsy nanajamba azy ireo mba hahafahantsika mahita.

¹⁷⁶ Tsy mbola nisokatra ilay Tombokase Fahafito, fantatrareo. Izany dia ny Fihaviany.

¹⁷⁷ Noho izany raha mbola ao ambany ao izy ireo, fa, Asehony amintsika eto, ao amin'ny fahitana mialoha. Tahaka an'i Jaona, Nakariny izy.

¹⁷⁸ Ary indray mandeha, nandeha teo ambonin'ny ranomasina, fantatrareo; hoy izy hoe, "Ahoana ny amin'ity lehilahy izay miankina eo amin'ny Tratranao ity?"

¹⁷⁹ Hoy Izy hoe, "Ahoanao inona raha mitoetra mandra-Pihaviko izy?" Hitanareo, tsy nitoetra mihitsy izy, fa Nakariny izy ary naneho an'izany taminy, ilay zavatra izay nitranga mandra-Pihaviny. Naneho taminy fotsiny, nampijery an'ilay drafitra manontolo tamin'i Jaona.

¹⁸⁰ Mariho, hitantsika ankehitriny fa ilay fahefana ara-nofo teo ambanin'ilay ara-nofo, ho an'ny firenena ara-nofo iray, Isiraelly, dia navotsotra teo. Ary inona no nataon'izany? Lasa izany ary nanao ady, ary toy ny ahoana no namonoan'izany sy nenjehany.

Ankehitriny ao amin'ilay sokajy ara-pivavahana an'izany! Izaho...ianareo ve...

¹⁸¹ Manantena aho fa Andriamanitra no manokatra ny masonareo amin'izany ankehitriny. Satria, fantatro fa izaho dia miteny fotsiny amin'ity fiangonana eto ity. Ity horonam-peo ity dia handeha manerana an'izao tontolo izao. Ary tsy minia mandratra ny fihetseham-pon'ny olona aho, fa milaza ny Fahamarinana fotsiny.

¹⁸² Ankehitriny dia efa nisokatra ilay sokajy ara-pivavahana, nanomboka tamin'ny fifohazana ara-nofon'ilay Roma mpanompo sampy fahiny, nandeha nankany amin'ireo Jiosy, izay efa fahavalon'izy ireo. Ilay liona, niaraka tamin'ireo nify sy ny sisa, nanitsakitsaka sy namotika ny olona izany. Roma, dia efa fahavalon'Andriamanitra foana! Ary navotsotra tao anatin'ilay fanahy iray ihany izany, tamin'ny alàlan'ireo mpanao didy jadona avy amin'izao tontolo izao, satria ilay rafitra ara-pivavahana no mbola nihazona. Ankehitriny dia efa navotsotra izany.

¹⁸³ Inona no nataon'izany? Tamin'ny "hafetsena," araka ny Nolazainy, dia niditra toy ny fandokadokafana izy. Ary inona no nataony? Mitondra an'ilay Fiombonambe Ekiomenika Protestanta an'ny Fiangonana Maneran-tany izy, ilay fanahin'ny antikristy no eo amin'izy roa ireo, mitondra azy ireo any amin'ilay famonoam-biby, tahaka ny nanaovan'izy ireo an'ilay hafa mihitsy, tao amin'ilay ora iantsoana ny Ampakarina. Ahoana? Navotsotra tao amin'ilay fanahin'ny fiangonana ara-pivavahana. Navotsotra teo ambonin'ny inona? Tsy

teo ambonin'ireo anaram-piangonana; teo ambonin'ilay Ampakarina! Fa eto no ho azonareo ilay izy, tsy handalo ao amin'io vanim-potoana io ny Ampakarina. Ny Baiboly no milaza fa tsy handalo. Ny fiangonana no handalo, fa tsy ny Ampakarina. Tsy hitanareo ve? Ry mpitoriteny, tsy hitanareo ve izany, ry rahalahy?

¹⁸⁴ Hoy ianareo hoe, “Ilay Fiangonana dia tsy maintsy mandalo fanenjehana, ho an’ny—ho an’ny fahatanterahan’Izany.” Ny Ràn’i Jesosy Kristy no mahatanteraka ny Ampakarina.

¹⁸⁵ Ny lehilahy iray izay mifidy vady iray dia tsy hampandalo azy ao amin’ny fanasaziana maro be; izy dia efa nahita fitia, ihany koa, taminy; izy dia efa nahita fitia taminy. Izy—izy no mamofo azy. Ary, raha misy zavatra anankiray, izy no hiambina azy amin’ny toerana rehetra mba hanodinany ny tànany. Lehibe loatra ny Fahasoavany eo amin’izy ireo.

¹⁸⁶ Ary ho toy izany koa ilay izy eo amin'ilay Ampakarina, ary toy izany koa ilay izy eo amin'ilay Ampakarina. Isika dia olona tsy mendrika, mendrika ho an’ny helo, fa ny Fahasoavany no mihazona antsika ho afaka amin’izany. Jereo hoe firy no very sy jamba! Firy, mpanota firy no nisy teto amin’izao vontolo izao, tamin’ny ora nahavoavonjy ahy! Namonjy ahy Andriamanitra ho an’ny tanjona iray; ary tapa-kevitra aho, noho ny Sitrapony, ny hanao an’izany tanjona izany. Tsy ahoako izay alehan’ny zavatra hafa; fa izaho dia te-hanao an’izany.

¹⁸⁷ Ary amin’ny ora izay ahitako an’ireo fiangonana rehetra ireo, ireo lazany lehibe, “ary manan-karena, sy tsy manan-javatra ilaina,” hoy izy ireo; ary mahita azy ireo, ory, mahanttra, jamba; avy eo dia mikapokapoka anareo eo amin’ny soroka, te-hanao anareo hanao marimaritra iraisana miaraka aminy. Teraka ho an’ny tanjona iray aho, izany dia ny hanameloka an’io zavatra io sy hiantso hivoaka. Izany no ataoko.

¹⁸⁸ Tsarovy, rehefa tonga teto an-tany Jesosy, dia tsy nisy iray am-pahazaton’ny olona teto ambonin’ny tany akory no mba nahafantatra fa teto Izy. Tonga haka an’io vondrona voafidy io Izy. Hoy Izy, “Tsy misy olona mahay manatona Ahy raha tsy ny Raiko no nitarika azy. Ary ny rehetra izay ny Ray no efa,” fotoana lasa, “nanome ahy, dia hanatona izy ireo. Hahafantatra an’izany izy ireo. Hihaino an’Izany izy ireo.”

¹⁸⁹ Mariho ilay famotsorana an’io fanahy ara-pivavahana io. Ankehitriny roapolو taona taty aorian, taorian’io ady io, dia hitantsika ny famotsorana an’ilay fanahy ara-pivavahana. Eo ambanin’ny inona? Ny Tombokase Fahafito; ny Trompetra Fahafito ho an’ny Jiosy.

¹⁹⁰ Jereo ny volana izay miha-maizina. Eo ambanin’ny inona? Jereo izy fa mihataka, ilay Zanak’olona izay nesorina tao amin’ny fiangonana.

¹⁹¹ Inona izany? Fikambanana amin'ilay andiany arapivavahana. Ny—ny hetsika ekiomenika, ary miaraka amin'ilay Fiombonambe Maneran-tanin'ny Fiangonana, no nitarika ny olona rehetra... Inona no ijoroan'io zavatra io? Nahoana, tsy maintsy mamoy ny fampianarana evanjelikanareo sy ny sisa ianareo. "Ahoana no ahafahan'ny anankiroa hiara-mandeha raha tsy efa nifanaiky izy ireo?" Tsy vitan'izy ireo izany. Jesosy no nilaza fa tsy vitan'izy ireo izany. Ary ahoana no ahafahan'ny fiangonana iray, ny Metodista sy ny Batista hiaramandeha? Ahoana no ahafahan'ny Fianganan'i Kristy handeha hiaraka amin'ny Presbyterana? Ahoana no ahafahan'ny Katolika handeha hiaraka amin'ny Protestanta? Ahoana no ahafahan'ny Protestanta handeha hiaraka amin'ny Protestanta?

¹⁹² Fa ny Ampakarina kosa dia afaka mandeha miaraka amin'ny Teny, izay Kristy. Tsy maintsy mifanaiky izany. Tsy ilay rafitra ara-pivavahana; fa ny Teny. Tsy maintsy mifanaiky amin'ny Teny ianareo, mba handehanana hiaraka amin'ny Teny. Jesosy no niteny an'izany. Izany no manao an'ilay izy ho marina.

¹⁹³ Mariho, io izy ankehitriny. Navotsotra izy, mba hiantso an'ireo zavatra kely navela rehetra ireo hoe, "Oh, eny, aza manisy fahasamihafana amin'izany, na ahoana na ahoana."

¹⁹⁴ Izany no nolazain'i Satana tamin'i Eva, "Aza manisy fahasamihafana amin'izany. Mety tsara izany. Azo antoka, fa Andriamanitra dia Andriamanitra tsara iray. Tia antsika rehetra Izzy." Tsy izany Izzy.

¹⁹⁵ Ianareo dia mandre betsaka loatra hoe Izany dia Andriamanitra tsara iray. Andriamanitra tsara iray Izzy, saingy, satria tsara, dia tsy maintsy ho marina Izzy. Tsy misy fahatsarana raha tsy misy fahamarinana. Tsy misy fahamarinana raha tsy misy lalàna, raha tsy misy fanasaziana, sazy. Noho izany dia ao amin'io ora io isika, izay iainantsika.

¹⁹⁶ Mariho, haingana ankehitriny, ireo demony ivelan'ny voajanahary ireo. Tamin'izany fotoana izany, dia teo ambanin'ny—teo ambanin'ny fiarovan'ny Firenena Mikambana iray, vondrona izay niaraka nikambana, Tatsinanana sy Tandrefana.

¹⁹⁷ Tahaka ny tongotra havanana sy havia an'ilay sary izay hitan'i Daniela fotsiny, toy ny ahoana no tsy nifaneken'izy ireo sy tsy nifangaroany. Ary ny teny hoe Eisenhower, nandritr'io fotoana io... *Eisenhower* dia midika hoe "vy." *Khrushchev* dia midika hoe "tanimanga." Ary nesoriny ny kirarony ary nanakapoka an'izany [Nandondôna teo amin'ny polipitra Rahalahy Branham—Mpand.] teo amin'ilay latabatra tao amin'ny... rehefa ilay Vondron'ny Firenena, na ny U... tao amin'ny UN. Izany no nataon'i Khrushchev, nanintsam-bovoka teo amin'ny... Oh, oadray! Ilay ora izay iainantsika! Ny fiangonana sy ny toerany!

¹⁹⁸ Fa, misaotra an'Andriamanitra, ilay Ampakarina kely dia efa nanao ny Tenany ho vonona. Tsy ho ela izany. Mandrosoa fotsiny. Tsy haharitra ela izany. Tsy fantattro hoe hafiriana, tsy fantattro hoe rahoviana; tsy misy olona mahafantatra an'izany. Saingy fantatsika kosa fa akaiky izany ankehitriny, tena.

¹⁹⁹ Diniho ilay mpitonundra fivavahana. Diniho izany, ara-nofo, inona no nataon'izany tamin'ireo Jiosy. Io dia vahoaka iray izay nifikitra tamin'ireo lalànan'Andriamanitra. Tsy mampaninona na firey na firey fiangonana nitsangana, na inona koa, fa nohajambaina ny amin'i Kristy izy ireo, ary nifikitra tamin'izany lalàna izany. Ary nomen'Andriamanitra akanjo lava izy ireo, ny tsirairay avy tamin'izy ireo, satria niditra tao amin'ny fanaovana maritiora izy ireo. Hitanareo? Izy ireo dia—izy ireo dia . . . Izy ireo dia nohajambaina noho ny amintsika.

²⁰⁰ Indro ankehitriny, ilay Fiangonana, izay tsy mahafantatra afa-tsy ny Baiboly. Tsy mijery an'ilay rafitra ara-pivavahana, anaram-piangonana, tsy mahafantatra na inona na inona momba an'izany izy ireo. Vahiny tanteraka amin'izy ireo izany. Izy no fantatr'izy ireo, ary Izy irery ihany.

²⁰¹ Ny olona amin'izao andro izao dia saiky mitovy amin'i Petera sy izy ireo tamin'izany, teo amin'ny Tendrombohitra Fiovan-tarehy. Lasa nafana fo tanteraka izy ireo rehefa nahita an'izay nataon'ilay ivelan'ny voajanahary, na ny anankiray nanao hoe, "Isika dia hanamboatra fiangonana iray an'ny—an'ny mpaminany, ary anankiray ho an'i Mosesy."

²⁰² Ary izany no fomban'ny olona, izany no nataon'ireo Pentekotista. Hoy izy ireo hoe, "Hanamboatra anankiray isika, Assemblée de Dieu; ary anankiray, fiangonan'Andriamanitra; ary anankiray, an'ny Tokana; ary anankiray, an'ny Roa," sy ny sisahaka an'izany.

²⁰³ Fa raha mbola niteny izy, dia niantsoantso Jehovah hoe, "Ity no Zanako malalako," Izay ny Teny, "henoinareo Izy!" Hitanareo? Izy no Teny.

²⁰⁴ Ilay ora izay iainantsika, ireo ara-pivavahana, an'ireo fanahy izay mikambana miaraka ankehitriny ka mitondra azy rehetra ao amin'io famonoam-biby anankiray lehibe io, mba ho fongotra. Efa natao an-tsoratra izany eto, ato amin'ity firenena ity ankehitriny, fa ireo fiangonana ireo dia tsy maintsy hakatona raha tsy miaraka amin'ilay rafi-pandaminana ianareo. Fikambanana iray izany, fanilihana iray izany, tahaka an'ilay mariky ny bibidia mihitsy.

²⁰⁵ Ary ankehitriny dia fantatrareo hoe inona ilay bibidia, sa tsy izany? Fahefana iray izany. Ary fahefana iray, fahefana ara-pivavahana, hoy Jesosy hoe, "Tena hifanakaiky tahaka an'ilay tena zavatra izany, hamitaka ny tena Voafidy izany raha azo natao." Saingy Izy no nampanantena fa hanana zavatra anankiray ho antsika eto amin'io andro farany io, mba tsy

haha-voafitaka antsika, ary izany dia ny Teny, sy Kristy mba hanao an'Izany ho voaseho amintsika. Ivelan'ny voajahanahary izy ireo, ireo devoly, tsy hitan'ny maso, saingy azonareo jerena izay ataon'izy ireo. Hitanareo?

²⁰⁶ Mariho, raha mbola eo am-pitaingenana io vondrona io, manomana ny tenany ho vonona mba hanosihosy ny zavatra rehetra izay tsy mifanaraka amin'izy ireo, dia misy vondrona anankiray hafa efa natao ho vonona, afaka kelikely, Apokalypsy 19. Ny fotoana manaraka dia re ilay Fianganana, tonga Izzy, ihany koa, tsy eo ambonin'ireo soavaly, fa hoy ny Baiboly hoe, "Eo ambonin'ny soavaly fotsy iray Izzy, ary ny antokon'ny Lanitra no nanaraka Azy teo ambonin'ireo soavaly fotsy." Marina ve izany?

²⁰⁷ Raha mbola nanana roa arivo voafatotra teo amin'ny onin'i Eofrata ity vondrona ity, ka voafatotra nandritry ny roa arivo taona, dia namatotra ny Fanahy Masina ihany koa io fianganana io nandritry ny roa arivo taona teo ho eo, teo ambanin'ny fanaovana maritiora tany, ary teo ambanin'ireo taonan'ny fianganana. Voafatotra izany, tsy teo amin'ny onin'i Eofrata, fa teo am-baravararan'ireo fanekem-pinoana sy dogma, mba tsy hahafahan'ny Fanahy Masina miasa ao amin'ilay fianganana noho ireo rafitra nataon'olona. Fa ho hahafhana Izzy, hiverina Izzy, izany no nolazain'ny Baiboly. Ary ireo anankiroa ireo dia hihaona eo amin'ilay sahan'ady, Losifera sy Mikaela indray, tahaka ny tany amin'ny voalohany. Nofatorana nandritry ny roa arivo taona izy ireo, saiky, saiky teo amin'ny roa arivo taona teo.

²⁰⁸ Tsy tena roa arivo marina, satria nanohy nandeha ireo Romana, Titus tamin'ny 96 A.D., [Taorian'i Jesosy Kristy—Mpand.] ary ny manaraka tahaka an'izany, namono an'ireo Jiosy. Ireo Romana! Iza no namono an'ireo Jiosy? Iza i Titus? Jeneraly Romana iray. Nikoriana teo amin'ireo vavahady ny rà tany, hatrany amin'ny...oh, ary namono azy ireo, ireo vehivavy, ireo ankizy, sy ny sisa. Tsy nilaza ve i Ezekiela 9 fa hanao an'izany izy ireo? "Mandehana mankao afovoan'ny tanàna ary asio marika eo amin'ireo olona izay misento sy mitaraina," ilay-ilay Fanahy Masina. Ary ny sisa tamin'izy ireo, "nivoaka ilay olona mpamono," izay voafatotra; nihazona azy ireo, nihazona azy ireo, mandra-pivoakan'izy ireo ka namono ny zavatra rehetra izay tao anatin' tao. Ireo vehivavy kely, ireo vehivavy, ireo ankizy, ireo zazakely, sy ny sisa hafa, novonoina daholo izy rehetra. Tena marina.

²⁰⁹ Indro eto indray izany, mamerina ny tenany. Ary indro ilay rafitra ara-pivavahana fa miverina avy hatrany indray, mamely, manitsakitsaka ny zavatra rehetra izay nantsoina hoe Andriamanitra. Oh, manana ny rafiny izy ireo, sy rafipandaminana, ary anaram-piangonana, saingy tsy misy idiran'izany amin'ny Baiboly. Hiteny aminareo avy hatrany

izy ireo fa tsy mino an'Izany akory aza izy ireo. Eny, tompoko. "Lazao izay lazain'ny fiangonana."

²¹⁰ Ilay izy dia izay lazain'Andriamanitra! Izany no Teny. Ny Ampakarina dia miaraka amin'ireo Teny; Iray izy ireo. Ahoana no haha-Iray azy ireo? Rehefa io Teny io, izay nosoratana Ato, no tonga ao anatinareo, ary manao—manao anareo sy ny Teny ho lasa Iray. Izay marina tokoa no Nampantanenainy.

²¹¹ Amin'izay fotoana izay, dia Izy no mandika. Tsy mila mpandika iray Andriamanitra. Hoy izy ireo hoe, "Eny, izahay dia mandika an'Izany hoe *izao*." Tsy manana zò handika na inona na inona ianareo. Andriamanitra no manao ny Fandikany Manokana. Hoy Andriamanitra hoe, "Aoka hisy mazava," dia nisy mazava. Iza no mandika an'izany? Hoy Izy hoe, "Hanan-anaka ny virijiny," dia nanana izy. Tsy mila mpandika iray izany; efa voadika izany. Andriamanitra no nilaza fa ireo zavatra ireo dia hitranga amin'izao andro izao, ary mitranga izany. Tsy mila mpandika izany. Mandika ny Tenany izany. Oh, oadray!

²¹² Apokalypsy 9:1, eo ambanin'ny Trompetra Fahadimy, ireo mpanjakany... Mariho, Apokalypsy 9:1 ankehitriny, ilay mpanjakan'io vondrona lehibe an'ireo soaavy roa hetsy io. Nanana mpanjaka iray izy ireo nanapaka azy ireo, ary, raha mahamarika isika, dia kintana iray nianjera izany. "Nahoana ianao no nianjera avy tany an-danitra, O ry Losifera?" Oh, ahoana no nampifangaroan'i Dokotera Smith an'izany teo, saingy, marina daholo izany, hitanareo, tsy ho an'ny orany izany. Hitanareo? Eny àry. "Ny lavaka tsy hita noanoa izany; ny mpanjakan'izy ireo dia mpanjakan'ilay lavaka tsy hita noanoa."

²¹³ Apokalypsy 17:8. Nanoratra zavatra anankiray aho eto. Ho vakiako fotsiny izany. Hitanareo eto, Apokalypsy 17:8. Tiako ny hahita izay lazain'izany eto, satria tsy fantatro fotsiny hoe ahoana no hikasihana an'ity manaraka ity, 17:8.

Ary ny bibidia izay efa hitanao, ary tsy eo; ary hiakatra avy ao amin'ny lavaka tsy hita noanoa, dia ho lasa any amin'ny fandranganana: ary ireo izay monina ambonin'ny tany dia ho gaga, ireo anarana izay tsy voasoratra tao anatin'ny bokin'ny fiafiana—an'ilay fiafiana hatramin'ny fanorenana an'izao tontolo izao, rehefa mandinika an'ilay bibidia izy ireo izay teo, izay tsy eo, ary izay mbola ho eo.

²¹⁴ Hitanareo, "teo," maty ny papa anankiray, dia miakatra ny anankiray hafa. "Bibidia izay teo, izay tsy eo, izay eo; izay tsy eo, izay eo." Tsy manova ny fanaony; papa izany, fotoana mitovy, sy ny zavatra rehetra. Ny zavatra rehetra dia tsy maintsy miditra ao amin'ilay rafitra iray ihany.

²¹⁵ Ary ho tonga aiza izany? "Ao amin'ny lavaka tsy hita noanoa." Ary ny Baiboly no nilaza eto, hoe, "Ny mpitarika an'ireo olona ireo dia avy tao amin'ny lavaka tsy hita noanoa, ary

izany no mpanjakan'izy ireo," ary mipetraka miaraka amin'ny satroboninahitra telo sosona izy, ary manakambana an'ireo Protestanta miaraka aminy.

²¹⁶ Nandre pretra Loterana iray aho nilaza, indray andro, nilaza...na, mpitoky teny Loterana iray, nanao hoe, "Eny, ny olona dia manontany ahy hoe nahoana aho no mitondra ny—ny vozon'akanjo. Ahoana no ahafahan'izy ireo manavaka ahy amin'ny..." Tany ve ianao? [Hoy ny rahalahy iray hoe, "Eny."—Mpand.] Hia. Ary, izany, tsy nahatsikaiky ve izany? Izaho—izaho dia saiky te-handoa, niala teo amin'ilay lampihazo. Hoy izy ireo, "Fa, tsy tokony hisy fahasamihafana izy ireo."

²¹⁷ Raha i Luther, Martin Luther, no nandre an'izany, dia ho niverina tany amin'ny fasany izy, nanao hoe, "Ianareo mphiatsaravelatsihy, tsy ao amin'ireo laharako ianareo." Ah-hah. Hitanareo?

Fa fantatrareo ve hoe aiza no misy an'izany? "Tsy misy fahasamihafana."

²¹⁸ Misy fahasamihafana iray. Manao ny isam-batan'olona ho samihafa mihitsy aza. Hoy Andriamanitra hoe, "Saraho ho Ahy, dia i Paoly sy Barnabasy," marina izany, "ho an'ny asa." Saraho! Andriamanitra dia mpampisaraka iray, fa tsy mpampifangaro iray. Ny mpamp-...Ny fiangonana dia mila mpampifangaro tsara iray, amin'izao andro izao, izay afaka mamela azy ireo hanao akanjo fitondra mandro, sy sorta, ary ny zavatra hafa, ka mivoaka sy manao hadalana tahaka an'izany. Fa hoy Andriamanitra hoe, "Saraho ho Ahy!" Saraho amin'izao tontolo izao ny tenanareo!

²¹⁹ Apokalypsy, hitantsika eto, hoe, "ny mpanjakan'izy ireo dia avy tao amin'ny lavaka tsy hita noanoa," ary io anankiray io ihany izay "lasa tany amin'ny fandringanana," niditra dia nivoaka, niditra dia nivoaka, lasa.

²²⁰ Mariho ao amin'ny Levitikosy, ny toko faha-23, tanteraka toy ny ahoana ilay fandikana miaraka amin'ny lamin'ny Teny, miaraka amin'izay andramantsika homena ankehitriny. Diniho ity ankehitriny, ilay lamina. Ankehitriny dia mahamarika isika. Ndao isika hamadika fotsiny dia hamaky an'izany mihitsy mandritry ny fotoana fohy. Ao amin'ny Mpitoriti-...tsy ao amin'ny Mpitoriteny, fa Levitikosy. Levitikosy 23, ankehitriny dia mariho ity eto ity, Levitikosy ny toko faha-23 ankehitriny. Ary tsy tiantsika mihitsy ny ho diso an'ity, ankehitriny, mba hahafahantsika mahazo an'ilay izy marina mihitsy araka ny nanoratan'ny Tompo azy ho antsika eto. Tsy afaka hahita ny Levitikosy ao amin'ny Eksodosy tokoa aho, sa tsy izany? Eny àry, Levitikosy ankehitriny. "Ary ny Tompo..." faha-23.

...ny TOMPO niteny tamin'i Mosesy, nanao hoe,

Mitenena amin'ny zanak'Isiraely, manao hoe,
Amin'ny volana fahafito, amin'ny andro voalohan'ny

volana, dia hanana sabata iray ianareo, fahatsiarovana iray amin'ny fitsofana trompetra, ary fivoriana masina iray. Hitanareo?

Ianareo dia hanao... ny tao-zavatra akory: fa ianareo dia tsy hanolotra... fanatitra natao tamin'ny afo ho an'ny TOMPO.

... ary ianareo dia hanolotra fanatitra natao tamin'ny afo ho an'ny TOMPO.

²²¹ Ankehitriny diniho. Ankehitriny mariho.

Ary ny TOMPO niteny... Mosesy, nanao hoe,

Ary koa amin'ny andro fahafolo amin'ny volana fahafito dia hisy andro iray ho an'ny fanaovam-panavotana:...

²²² Hitanareo, ilay fanaovam-panavotana no nanaraka ny... Diniho ankehitriny. Ilay fanaovam-panavotana no nanaraka ny feon'ny trompetra. Hitanareo? Tsara tarehy toy ny ahoana! Hitanareo? Ilay andro fanaovam-panavotana no nanaraka ny trompetra.

²²³ Ankehitriny—ankehitriny, ireo dimampolo andron'ny trompetra, ho antsika, dia manome marika rehefa nitsoka ny trompetra tamin'ny pentekosta, izay dimampolo andro. Ankehitriny—ankehitriny—ankehitriny, taorian'io, dia nandà an'Izany ireo Jiosy.

²²⁴ Ankehitriny ireo Trompetra dia tsy maintsy hiantso azy ireo hiverina eo amin'io Fanaovam-panavotana io, hitanareo, ilay Fanaovam-panavotana izay nolavin'izy ireo. Ary nandà izy ireo mba hahafahan'ny masonsika hisokatra; ny azy ireo dia nakatona. Ary nandritr'io fotoana io, dia nisokatra ireo Tombokase, ary ireo—ireo—ireo Trompetra dia naneno. Ary ankehitriny, tao amin'ny fitsofana an'ireo Trompetra, nialoha indrindra ny hatatongavan'ny Mesia, satria tsy maintsy tonga ao Palestina izy ireo. Ary tsarovinareo fa tsy maintsy nanamafy ny fon'i Farao Andriamanitra, mba handroaka azy ireo avy tao Egypta; ary Izy nanamafy fo an'i Stalin, Mussolini, sy io rehetra io, mba hamerina azy ireo ao amin'ilay tany nampanantenaina, izay natao hisy an'ireo efatra arivo sy efatra alina sy iray hetsy.

²²⁵ Ary ankehitriny, ho an'ilay fotoana voalohany nandritr'ireo taona an'arivony, dimanjato sy roa arivo taona, dia lasa firenena iray Isiraely miaraka amin'ny sainany manokana, ny tafiny manokana, sy ny rehetra, ary izany dia nekena tao amin'ny—tao amin'ny UN. Izany no fotoana voalohany. Ilay saina trrainy indrindra izay hany nikopakopaka teto an-tany, tamin'io fotoana io, dia nikopakopaka indray, ireo dimy... kintan'i Davida nisy tendro enina. Izy no nilaza fa Hatsangany io faneva io amin'ny andro farany, rehefa hiverina indray izy.

Ao amin'ny farany isika izao. Tsy misy fisalasalana mihitsy ny amin'izany. Ao isika.

²²⁶ Mariho ankehitriny, haingana, Apokalypsy 9, eo ambanin'ilay trompetra fito, "ny mpanjakan'izy ireo dia avy ao amin'ny lavaka tsy hita noanoa."

²²⁷ Avy eo ao amin'ny Levitikosy, ankehitriny, tanteraka toy ny ahoana ilay fandikana eto miaraka amin'ny Teny! Satria, hitanareo, ny manaraka avy hatrany, ny jobilin'ny pentekosta no nanaraka ny andron'ny fanaovam-panavotana iray; ilay lamin'ny fotoanan'ny fety. Teo anelanelan'ny fetin'ny pentekosta, hatramin'ny fantaovam-panavotana, ilay fitsofana an'ireo trompetra ho an'ny fantaovam-panavotana, dia fetin'ny pentekosta, ilay fotoan'andro lava. Jereo, nisy fotoan'andro lava iray teo anelanelan'ny fetin'ny pentekosta, hatramin'ny fiantsoan'ilay—an'ilay tromp...ny fitsofana an'ireo trompetra, ireo—ireo trompetra izay tsy maintsy tsafina; fotoan'andro lava iray. Am-pahatsorana, dia dimampolo andro izany, manomboka eo amin'ny—manomboka eo amin'ny—manomboka eo amin'ny fetin'ny pentekosta ka hatramin'ny fetin'ny fantaovam-panavotana, dia dimampolo andro. Ankehitriny, ny dimampolo andro dia sabata fito marina tokoa.

²²⁸ Ary ny sabata fito dia ireo taona fiton'ny fiangonana, Taonan'ny Fiangonana. Azonareo ve ilay izy? Hitanareo? Hitanareo? Ankehitriny, ireo Jiosy dia nohajambaina, niandry an'io fotoana rehetra io, raha nararaka teo amin'ilay Fiangonana ireo Voaloham-bokatry ny pentekosta. Ary avy nitety an'ireo taonan'ny maritiora isika, sy nitety an'ireo taonan'ny mpanavao, ary ankehitriny dia ao amin'ilay taona fiantsoana hivoaka; fizara telo, Fanahy iray ihany; tahaka ny Ray, Zanaka, ary Fanahy Masina, ilay Anankiray ihany. Hitanareo? Fa, ireo Taona Fiton'ny Fiangonana, dia sabata fito.

²²⁹ Sabata fito marina tokoa manomboka amin'ny—manomboka amin'ny jobilin'ny pentekosta ny trompetra...fetin-jobilin'ny pentekosta iray, mandra-paha...Ny fanofahofana ny amboara, ary avy eo dia ny jobilin'ny pentekosta. Ary avy eo manomboka eo amin'ny jobily ka hatramin'ny fantaovam-panavotana dia sabata fito, dimampolo andro, ary amin'ny faran'ilay dimampolo andro dia ny—ny fantaovam-panavotana no natao. Azonareo ve ilay izy? Ankehitriny, ary io dia tandindona iray, hoe ilay Fiangonana...

²³⁰ Rehefa voambara Izy, Izy tenany, amin'ny maha-Zanak'Andriamanitra, no voambara tamin'ilay Fiangonana tao amin'ny batisan'ny Fanahy Masina, nandritr'ireo taona ireo, tao amin'ny—ny taona pentekotista, hitanareo. Nitohy nitombo sy nitombo fotsiny; fanamarinana teo ambanin'i Luther, fanamasinana teo ambanin'i Wesley, batisan'ny Fanahy Masina.

²³¹ Ankehitriny dia eto ilay fotoan'ny fiantsoana hivoaka. Ao amin'ny Tombokase Fahenina, rehefa izany dia—rehefa nisokatra izany, dia namely an'ireo Jiosy ny fanenjehana, ao amin'ilay foto-kevitra ara-bakiteny; ary indro tonga ilay fanenjehana ny fiangonana, ao amin'ilay foto-kevitra arapivavahana; satria, efa nantsoina ny Ampakarina. Mifarana ireo sabata, ary vonona mba hiantsoana an'ireo Jiosy. Ho aiza? Ilay fetin'ny Fanaovam-panavotana. Oh, ry fiangonana, tsy hitanareeo ve izany? Nantsoina ho an'ilay fetin'ny Fanaovam-panavotana, (inona?) mba hahafantatra ny Fanaovam-panavotana; tsy hoe akoho sy gisa intsony, sy izay efa nataon'izy ireo. “Ny Zanak'ondrin'Andriamanitra, voavono hatramin’ny fanorenana an’izao tontolo izao,” hahafantatra an’Izany ny Isiraely.

²³² Mariho, ity no zavatra lehibe iray. Jereo! Oh, oadray! Ny Fanahy Masina dianofatoran'ireo anaram-piangonana, nandritr'ireo roa arivo taona rehetra ireo. Hitantsika, fa izany Izy. Ankehitriny mariho ireo sabata, sabata fito, tsy afaka niala mihitsy izy ireo. Ny—ny Baiboly dia nanao hoe, “Hisy andro iray izay sady tsy ho alina na andro.”

²³³ “Ary ny Soratra rehetra,” hoy Jesosy, “dia tsy maintsy tanteraka.” Marina ve izany? Manaova hoe, “Amena.” [Hoy ny fiangonana hoe, “Amena”—Mpand.]

²³⁴ Hoy ny mpaminany hoe, “Hisy andro iray izay tsy azo antsoina hoe andro na alina, fa amin’ny andro hariva dia hisy Hazavana.”

²³⁵ Inona izany? Ilay masoandro iray ihany izay mamiratra any Atsinanana no ilay masoandro iray ihany izay mamiratra any Andrefana.

²³⁶ Isaky ny mipoitra io masoandro io, ka mandeha mitety ary milentika, dia midika ny fiainanareo izany. Teraka ny zaza kely iray, dia malemy, amin’ny maraina. Eo amin’ny valo eo, dia mandeha any an-tsekoly izy. Amin’ny iraika ambin’ny folo sy sasany, dia mivoaka avy ao an-tsekoly izy, izany ilay hafanan’ny andro. Avy eo dia manomboka milentika izy, eo amin’ny dimampolo taona, enimpolo, fitopolo, valopolo, sivifolo. Milentika any izy ary maty; mba hiverina fotsiny indray amin’ny ampitso, ary hanao hoe, “Misy ny fiaianana iray, ny fahafatesana, ny fandevenana, ny fitsanganana.”

²³⁷ Ary, mariho, ny fandrosoana dia nandeha niaraka tamin’ny masoandro. Ny fandrosoana tranaainy indrindra izay ananantsika dia i Chine. Ny rehetra dia mahafantatra an’izany.

²³⁸ Taiza no nilatsaka ny Fanahy Masina? Tany amin’ny tany Tatsinanana, teo amin’ireo olona Tatsinanana. Ary nandeha nanaraka ny masoandro ny Filazantsara. Avy taiza Izany? Avy tany Atsinanana, tao Alemaina, avy tao Alemaina nankany Angletera... Nitety an'ilay lakan-drano intelo. Mediteraneana nankany Alemaina, avy tao Alemaina... Avy tao amin’ny

Mederaneana, avy tany Atsinanana, nankany Alemaina, nitety ny Mediteraneana; avy tao Alemaina, niampita ny Lakan-drano Anglisy, nankao Angletera; avy tao amin'ny Lakan-drano Anglisy, niampita ny Pasifika mba ho any...na ny Atlantika, mba ho any Etazonia.

²³⁹ Ary ankehitriny izy dia ao amin'ny Morontsiraka Andrefana. Nitety ny firenena izay nampandrosoiny izy sy nandeha niampita, ary nanohy. Ny dian'ny fandrosoana; nandeha nanaraka an'izany ny Filazantsara. Ankehitriny dia ao amin'ny Morontsiraka Andrefana daholo ilay antontam-paharatsiana rehetra, izay ivangongoan'ny zavatra rehetra, tahaka ny fidiran'ny samontan'onjan-drano.

²⁴⁰ Fa hoy ny mpaminany hoe, “Tsy hamiratra mandritr’io andro io ilay Zanaka; ho andro iray manjombona izany.” Efa nahazo Hazavana betsaka izy ireo, tahaka ny andro iray tena manorana, afaka nikambana tamin’ny fiangonana izy ireo, sady nino ny Tompo, ary ireo zavatra tahaka an’izany. Fa, hoy izy hoe, “Amin’ny andro hariva, dia hiala ireo rahona, halazo ireo anaram-piangonana.” Ary ilay Filazantsara iray ihany, ilay Teny iray ihany no tonga nofo, araka ny Nampanantenainy ao amin’ny Lioka 17:33. Ilay Filazantsara iray ihany, miaraka amin’ilay zavatra iray ihany, no hiseo amin’ny andro hariva, rehefa mihamalefaka mihitsy ireo aloka. Ilay Filazantsara iray ihany, ilay Kristy iray ihany izay velona tao anatin’ny nofo tany amin’ny voalohany lavitra tany, eo amin’ireo olona Tatsinanana, no ho velona indray ao amin’ireo olona Tandrefana amin’ny andro farany. “Hisy Hazavana amin’ny andro hariva.”

²⁴¹ “Ny Soratra rehetra dia nomena tamin’ny alàlan’ny tsindrimandry,” ary tsy azo simbaina.

²⁴² Efa tapitra ilay dimampolo andro goavana be. Efa tapitra ny fetin’ny pentekosta, ireo sabata fito; hatramin’ireo trompetra, tandindona iray an'ilay Taonan’ny Fiangonana Fahafito. Tsarovy, tsarovy, ny...eo ambanin’ny Trompetra Fahlenina, ny Jiosy...Mihaino ve ianareo? [Hoy ny fiangonana hoe, “Amena.”—Mpand.] Eo ambanin’ny Trompetra Fahlenina, ireo—ireo Pentekotista no mandà ny Baiboly; ilay—ilay matimaty, tsy ireo Pentekotista irery ihany, fa ny sisa rehetra. Ny fiangonan’izao tontolo izao dia mandà an’i Kristy ary apetraka any ivelany Izy. Ary tao amin’ilay Trompetra iray ihany...Ary ilay Tombokase iray ihany, raha ny marina, rehefa nosokafana Izany, mba haneho an’i Jesosy any ivelan’ilay fiangonana, miezaka hiverina hiditra indray; tamin’io fotoana io ihany, no nitsoka ilay Trompetra ho an’ireo Jiosy, ary nahafantatra ny Fanaovam-panavotana ireo Jiosy. Voninahitra! Haleloia! Oh, oadray!

²⁴³ Nofatoran’ireo onin’anaram-piangonana ireo ny Fanahy Masina, saiky nandritry ny roa arivo taona, saingy tsy maintsy

navotsotra tamin'ny andro hariva, tamin'ny alàlan'ny Hafatry ny andro hariva. Ny Fanahy Masina miverina ao amin'ilay Fianganana indray; Kristy, Izzy tenany, voambara ao amin'ny nofon'olombelona, amin'ny andro hariva. Izzy no nilaza. Izzy no nampanantena an'izany.

²⁴⁴ Nisy ny dingana telon'izany, araka ny nolazaiko. Ireo maritiora, taonan'ny maritiora, ho an'izany; ary avy eo ilay dingan'ireo mpanavao; ary ankehitriny ilay fotoan'ny fiantsoana hivoaka.

²⁴⁵ Rehefa mifarana izany, ao amin'ny Taonan'i Laodikia, araka ny Apokalypsy 10, dia hampahafantarina ny Ampakarina ny zava-miafin'ny Baiboly rehetra. Marina ve izany? [Hoy ny fiangonana hoe, "Amena."—Mpand.] Apokalypsy 10. Henoy tsara ankehitriny. Ah-hah. Ampakarina, nantsoin'ny Teny hivoaka; Kristy Izzy tenany no miantso ny Ampakarina, manao ny Hebreo 13:8 hazava, fa Izzy no "tsy miova omaly, anio, ary mandrakizay," manao an'ilay zavatra iray ihany, ilay tsy miova. "Izay mino Ahy, ireo asa izay Ataoko no hataony koa." Hitanareo? Lioka 22... Na, Lioka 17:30, ary ny Malakia 4 ihany koa, Hebreo 4:12, ireo Soratra rehetra izay nampanantenaina ireo, io dia tsy maintsy hisy eo anelanelan'ny Tombokase Fahlenina sy Fahafito, ary ny Trompetra Fahlenina sy Fahafito.

²⁴⁶ Ny fetin'ny pentekosta dia mifarana amin'ny vanim-potoan'ny Trompetra Fahafito, satria ny manaraka dia ny Fihavian'ny... Tombokase Fahafito, satria ny manaraka dia ny zava-miafin'ny Fihavian'i Kristy, ary, izao koa, ny Trompetra dia notofina ho an'ireo Jiosy. Ny Trompetra Fahlenin'izy ireo dia notofina, ary, rehefa mitsoka izany, dia izay no mampahafantatra azy ireo an'ilay Zanak'Andriamanitra voambara; fotoana antsasaky ny ora. Tsarovy, ny Trompetra rehetra dia nitsoka teo amin'io Tombokase Fahlenina io. Ny Tombokase Fahlenina no mamarana ny zava-miafina, eo ambanin'ny Tombokase Fahlenina, mialoha indrindra ny nisokafan'ilay Fahafito.

²⁴⁷ Mariho, eto ny Levitikosy 23:26. Ao anatin'ny lamina toy ny ahoana ny Soratra! Taorian'ny vanim-potoana lava an'ny pentekosta, izay nandavan'ny Isirael tany; ary niantso ny Fianganan'ny Jentilisa hivoaka Izzy, nandrity'io fetin'ny pentekosta io. Firy no mahazo hoe inona ilay fetin'ny pentekosta? Izany dia ilay vokatry ny...voaloham-bokatry ny taompipinjana, ilay voaloham-bokatry ny fitsanganana, ny fetin'ny pentekosta.

Aza diso an'izao, ry vahoaka! Ary, ianareo ao amin'ny horonam-peo, henoy tsara!

²⁴⁸ Io dia ny fotoan'ny fetin'ny pentekosta. Nitoetra nangina ireo Jiosy; nolavin'izy ireo Izany. Ankehitriny dia tsy maintsy hantsoina hiverina amin'ilay Fanaovam-panavotana izy ireo.

Isika dia mahafantatra hoe Iza ilay Fanaovam-panavotana; izy ireo tsy nahafantatra. Ary notsofina ny Trompetra, taorian'ny jobilin'ny pentekosta, miantso an'ireo Jiosy hiaraka. Tsy hitanareo ve hoe ahoana io Trompetra, an'ny fanenjehana teo ambanin'i Hitler sy izy ireo io, fa nipoaka? Ary ireo Jiosy dia noterena ho tonga miaraka, mba hahatanteraka ny Soratra.

²⁴⁹ Ankehitriny dia azonareo ve ilay izy? Izay rehetra mahazo an'ilay izy, dia manaova hoe, "Amena." [Hoy ny fiangonana hoe, "Amena."—Mpand.] Tsara. Eny àry.

²⁵⁰ Mariho eto amin'ny Levitikosy eto, 26 ankehitriny, ilay lamin'ny Soratra. Taorian'ilay vanim-potoana lava an'ny pentekosta, izay miafara ao amin'ny fiantsoana ny Ampakarina hivoaka, nantsoina hivoaka ny Ampakarina tamin'ny alàlan'ny mpanompo iray. Ilay Nolavina, avy eo, izay nampahafantarina an'ny Israely, ilay fetin'ny Fanaovam-panavotana. Mariho, eto dia ilay zavatra mitovy amin'ny Levitikosy ny toko faha-16, ankehitriny, rehefa nandamina ny fetin'ny pentekosta Izzy...na ny fetin'ny fanaovam-panavotana, saingy eto amin'ity toerana ity dia nantsoina izy ireo... .

²⁵¹ Oh, tanteraka toy ny ahoana! Azonareo ve ilay izy, ry mpitory teny. Hitanareo? Aza diso an'izany, ry mpitoriteny.

²⁵² Ao amin'ity fetin'ny pentekosta ity, izay voaseho ao amin'ny Levitikosy 23:26, na 23 sy 24, dia fetin'ny fisaonana, fa tsy famonoana, an'ny fety. Novonoina ilay fety...Novonoina ilay fanaovam-panavotana, raha ny marina. Novonoina ilay fanaovam-panavotana. Levitikosy 16, tena mirazotra amin'izany marina tokoa ilay izy. Izao fotsiny, ao amin'ity toerana ity, dia niantso an'ny Israely hisaona izany noho ny fahotan'izy ireo. Tanteraka toy ny ahoana ilay izy, amin'izao andro izao! Tsy famonoana indray an'Izany io; izay, nataoni Mosesy ho marika, tamin'ny alàlan'ny fikapohana fanindroany an'ilay vatomby; tsy nety izany. Tsy famonoana iray, an'ny fety; fa fisaonana iray, noho ny fandavana an'ilay Fanaovam-panavotana. Oh, oadray! Io no ho Trompetra; ny fety, nolavina, avy eo dia nampahafantarina ny Mesian'izy ireo.

²⁵³ Mariho, hahafantatra ny Mesiany izy ireo rehefa hitan'izy ireo Izzy. Ho avy amin'ny hery Izzy, amin'io fotoana io, ilay Tokana izay nandrasan'izy ireo. Ho avy amin'ny hery Izzy, ho an'ilay Jentilisa Ampakarina, ary ireo Jiosy dia hahafantatra Azy. Ary avy eo ny Baiboly dia milaza...Vao avy nitory teo amin'izany isika teto, teo amin'ny enim-bolana lasa izay, na mihoatra. Ny Baiboly dia milaza, rehefa hoy izy ireo hoe, "Taiza no Nahazoanao an'ireo ratra ireo?" Firy no mahatsiaro an'ilay Hafatra? Atsangano ny tànanareo. Azo antoka, ianareo... Hitanareo? "Taiza no Nahazoanao an'ireo ratra ireo?"

Hoy Izzy hoe, "Tao an-tranon'ireo Sakaizako."

²⁵⁴ Tsaroanareo ve aho rehefa nitory teo amin'ilay—ilay fotoana izay nanirahan'i Jakoba an'ireo zanak'Isiraely nidina tany mba hahazo an'ireo zavatra, sy sakafo ary zavatra, sy hoe ahoana no nataon'i Josefa fa mody tsy nahafantatra azy ireo izy; ary ahoana no nitohizan'ireo zavatra ireo, avy eo dia nampahafantatra ny tenany izy? Tsaroanareo ve? Ary tena natahotra izy ireo, nandeha nitomany izy ireo. Mitovy amin'ilay fahorian'i Jakoba.

²⁵⁵ Ary eto isika dia mahita an'ireo Jiosy eo ambanin'ny fanenjehana; tsy mahafantatra hoe aiza no ijoroan'izy ireo ankehitriny, fa hiverina izy ireo.

²⁵⁶ Ary rehefa hitan'izy ireo fa miseho ilay Fanaovam-panavotana, dia hoy ny Baiboly hoe, “Rehefa nahita an'izany izy ireo,” dia hoy izy ireo hoe, “dia hisaraka isan-tokantrano izy ireo, ary nitomany nandrity ny andro maro, tahaka ny—tahaka ny fianakaviana iray izay nahavery ny zanany lahitokana. ‘Taiza no nahazoanao an'ireo ratra ireo?’”

Hoy Izy hoe, “Tao an-tranon’ireo Sakaizako.” Hitanareo?

²⁵⁷ Tsarovy, efa any An-danitra ilay Ampakarina; tao anatin’ny lapa ny vadin'i Josefa. Ary nampirava ny zavatra rehetra nanodidina azy i Josefa, ka nampahafantatra ny tenany tamin'ireo rahalahiny izy; hitanareo, ny Vadiny sy ireo zanany ary izy ireo dia tao anatin’ny lapa rehefa miverina indray Izy hampahafantatra ny Tenany amin'ireo Jiosy. Io ilay Fanaovam-panavotana. Io ilay feon'ny Trompetranareo. Eo izy ireo no manao hoe, “Oh!” Inona izany? Io ilay Fanaovam-panavotana. “Avy taiza ireo ratra ireo?” Io ilay izy.

“Tao an-tranon’ireo Sakaizako.”

²⁵⁸ Tsaronareo ve izay nolazain'ireo rahalahin'i Josefa? Nahoana, hoy izy ireo hoe, “Ankehitriny dia hovonoina isika, tena azo antoka. Nanao an'izany isika. Nanao ratsy tahaka an'izany isika.”

²⁵⁹ Hoy izy hoe, “Tsia, Andriamanitra no nanao an'izao mba hamony aina.” Tsaroanareo ve ilay tantara, ao amin'ny Genesisy? Hitanareo? Hitanareo? Toy izany koa no Nanaovany an'ilay izy tahaka an'io, mba hamony ny ain'ilay Jentilisa, ilay Ampakarina. Hoy Izy, “Azoko tany an-tranon’ireo Sakaizako izy ireo; saingy aza tezitra, hitanareo, aza matahotra ny amin'ny tenanareo.”

²⁶⁰ Hoy izy ireo hoe, “Oh, oadray! Diso tamin’ny fahitana Azy tokoa ve isika? Izany ve ilay Fanaovam-panavotana, nefo diso an'Izany isika? O Andriamanitra!” Ary hoy izy ireo hoe, “Nampisaraka ny tenany fotsiny izy ireo, ary nisaona nandrity ny andro maro.” Inona izany? Ny Fanaovam-panavotana; alahelo. Tamin’io fotoana io, ilay fihavian’ny fampahafantarana, Fanaovam-panavotana, dia tsy ilay fanaovam-panavotana mahazatra no novonoina, tahaka ny ao amin'ny Levitikosy 16. Fa ny Levitikosy 23 dia fotoana fisaonana iray, noho ny

fahotan'izy ireo. Ary, ny fahotan'izy ireo dia, nandà an'Izany izy ireo.

²⁶¹ Oh, tsy hitanareo ve hoe aiza no misy antsika izao? Tsy hitanareo ve hoe nahoana no tsy midika na inona na inona amintsika ireo Trompetra ireo? Izy rehetra dia nitsoka teo ambanin'ny Tombokasentsika Fahlenina. Hitanareo ve hoe nahoana ny Fanahy Masina no tsy namela ahy hiresaka an'izany? Ary ny Ray An-danitra no mahafantatra, miaraka amin'ity Baiboly eto anoloako ity, fa izany no Fahamarinana. Tsy fantatro izany raha tsy omaly, afak'omaly; tao amin'ny efitro tao no Nanambarany an'izany, tonga teo amiko ary niresaka tamiko. Niverina aho, hoy aho hoe, "Ry vadiko, azoko ilay izy ankehitriny. Vao avy nihaona tamiko Izy tao ary niteny tamiko. Io ilay izy, ry malala." Hitanareo? Hitanareo, izany ilay izy, hitanareo, ao anatin'ny firindrana tanteraka mihitsy.

²⁶² Oh, ry olona tsy manana Azy, midira haingana! Mety ho izao no fanararaotra farany izay hany hanananareo. Tsy fantatrareo hoe amin'ny firy Izy no mety ho tonga.

²⁶³ Ny fetin'ny trompetra. Hoy ny Baiboly hoe, "Hampisaraka ny tenany izy ireo, ny iray amin'ny anankiray hafa, ary hivavaka sy hitomany, satria ho tahaka ny olona izay nahavery ny zanany lahitokana."

²⁶⁴ Jereo, te-hilaza zavatra iray amboniny aho. Henoy tsara ankehitriny; aza diso an'ity. Manaitra toy ny ahoana! Manomboka amin'ilay an'ny anjely fahafito (iraky ny Tombokase Fahafito) Hafatra ao amin'ny Apokalypsy 10, dia ny Tombokase Fahafito, hatramin'ireo Trompetra Fito, eo anelanelan'ireo fotoana anankiroa ireo . . .

²⁶⁵ O Andriamanitra, ahoana no hilazanay an'Ity, mba hahafahan'ny olona mahita an'Izany?

²⁶⁶ Izany dia eo anelanelan'ny Trompetra Fahlenina, sy ny Trompetra Fahlenina ary... Ny Trompetra Fahlenina sy ny Tombokase Fahlenina dia mitsoka amin'ny fotoana iray. Ary eo anelanelan'ny Trompetra Fahlenina sy ny Trompetra Fahafito, dia tsy maintsy misy mpaminany iray miseho eo anatrehan'ireo Jentilisa, mba hiantso ny olona hiverina any amin'ny Fotopampianarana pentekotista tany am-boalohany; ary hiseho amin'ny Jiosy ireo vavolombelona roa an'ny Apokalypsy 11, handefa azy ireo ho eo amin'i Jesosy, raha eo am-piakarana ilay Fiangonana. Izy rehetra ireo, dia mpaminany! Amena! Tsy azo simbaina ny Tenin'ny Tompo. Tsy ho anaram-piangonana iray izany! Tsy hitanareo ve izany?

²⁶⁷ Vakio ao amin'ny Bokinareo dia jereo raha tsy eo anelanelan'ny Trompetra Fahlenina sy Fahafito no nanatsofohana an'izany, namela an'ireo Jiosy nantsoina nivoaka eo anelanelan'ny Loza Fahlenina sy Fahafito, tonga eo amin'ilay efatra arivo sy efatra alina sy iray hetsy isika

(tsaroanareo ve izany?), izay eo anelanelan'io. Tsaroanareo ve? Eo anelanelan'ny—ny—ny Fahlenina, ny Tombokase Fahadimy sy ny Tombokase Fahlenina...Eo anelanelan'ny Tombokase Fahlenina sy ny Tombokase Fahafito, dia nisy antso nivoaka iray an'ireo efatra arivo sy efatra alina sy iray hetsy. Tsaronareo ve izany? Ankehitriny dia eo no idiran'ireo trompetra ireo avy hatrany, hitanareo, sy ny fanenjehana, ary ireo soavaly navotsotra teo ireo.

²⁶⁸ Tamin'izay fotoana izay, teo anelanelan'io, tamin'izay fotoana izay dia tsy maintsy nisy Hafatry ny anjely fahafito iray, izay nitory sy nanameloka an'ireo Pentekotista. Ary navoaka any ivelany Jesosy; tsy nanana fiaraha-miasa tamin'iza na iza, navoaka tany ivelany, nolavina. Ny Baiboly no niteny an'izany. Satria, izany no Kristy tonga voasaho eo anivontsika, Jesosy eo anivontsika rehetra, tonga voasaho ao amin'ny fahadiovan'ny Teniny, mampahafantatra an'Izany. Ary raha izany no . . .

²⁶⁹ Tsy fanamboamboarana fotsiny izao, ry sakaiza. Izao no HOY NY TOMPO HOE, ny Soratra.

²⁷⁰ Ary tamin'io fotoana io ihany . . . Ankehitriny, io Fiangonana io (ny Ampakarina) vantanay vao voasintona miaraka, dia akarina Izy; ary io zava-miafin'ny Tombokase Fahafito io, na ny Tombokase Fahafito, dia zava-miafin'ny fandehanana. Ary ireo Jiosy dia antsoin'ilay zava-miafin'ny Trompetra Fahafito, dia ireo mpaminany anankiroa, Elia sy Mosesy, ary hiverina izy ireo. Ary eo no misy an'ireo Pentekotista mikorontana tanteraka; miandry zavatra anankiray hitranga izy ireo; ilay Fiangonana dia efa lasa. Ary io dia ho an'ireo Jiosy.

²⁷¹ Ankehitriny, tsapako ao an-tsain'ny olona iray, fa manao hoe, "Tsy mety ho Mosesy izany." Eny, izy izany. Ankehitriny, tsarovinareo, fa afaka milaza amiko ny eritreritrareo Izy. Ah-hah. Ah-hah. Izaho dia mahatsapa foana an'ilay er- . . . Eny àry.

²⁷² Mamelà ahy hanitsy an'izany ho anareo. Mosesy izany. Satria, izao no eritreritrareo. Milaza ianareo, hoe, "Mosesy, tsy mety ho Mosesy izany, satria maty i Mosesy." Mihevitra ianareeo fa Elia izany. Elia izany, marina. Fa, mihevitra ianareo hoe, "Enoka izany." Hoy ianareo hoe, "Efa maty i Mosesy." Saingy, tsarovy, afaka miverina amin'ny fiainana indray izy. Nataony izany. Valonjato taona taty aoriania, an-jato taonany maro taty aoriania, dia niseho teo amin'ny Tendrombohitra Fiovan-tarehy izy. Hoy ianareo hoe, "Rehefa avy maty ve ny olona iray?" Eny, tompoko. Maty i Lazarosy; nitsangana indray; ary avy eo dia tsy maintsy maty indray izy. Hitanareo? Azo antoka. Ah-hah. Ary na dia ireo ratsy fanahy aza dia hatsangana ho amin'ny fiainana indray, ary avy eo dia tsy maintsy ho faty amin'ny fahafatesana faharoa. Marina ve izany? Noho izany dia esory ao amin'ny sainareo izany. Mosesy izany. Diniho ny asam-panompoanareo, tena izay nataon'i Mosesy sy Elia marina tokoa; nanidy ny lanitra

ary nanondraka afo teo amin'izany. Fantatrareo hoe inona ny zavatra izay nataon'izy ireo.

²⁷³ Eritrereto izany! Izany no andro farany, ry havana. Haleloia! Antomotra ilay Andron'ny Tompo lehibe. Angòny miaraka ny tenanareo. Fetin'ny Mesia; nolavin'izy ireo Izy, ary ho hitan'izy ireo fa io ilay Mesiany. Ny Baiboly no nilaza fa zavatra manaitra tahaka an'izany no hiseho.

²⁷⁴ Ao amin'ny Apokalypsy 11, ny antso, ny asam-panompoan'izy ireo dia ho asam-panompoan'i Mosesy sy Elias izay miantso ny Isiraely, hivoaka avy ao amin'ireo fombafombar'ny Jiosy; tena tahaka ny Hafatr'ilay anjely fahafito niantso ny Ampakarina hivoaka avy ao amin'ny fombafomba Pentekotista. Tsarovy, Mosesy sy Elia no tsy maintsy hiantso ny Isiraely hivoaka avy ao amin'ilay fanaovam-panavotana trainaingy amin'ny zanak'ondry, sy ondry, sy rà, sy osy, ary fanatitra, ho amin'ilay tena Fanatitra velona, ho amin'ny Teny.

²⁷⁵ Ary ny Hafatr'ilay anjely fahafito, eo ambanin'ilay Trompetra iray ihany, zavatra iray ihany marina tokoa, ilay Tombokase iray ihany, dia tsy maintsy (inona?) hiantso ny olona, ny Ampakarina, hivoaka avy ao amin'ny Pentekotista sy ny fombafombar'izao tontolo izao, ho any amin'ilay Fanaovam-panavotana tena izy, ny Teny, Kristy nampitoviana amin'ny Teniny eto, tonga nofo eo anivontsika. Efa nopofoin'ny siansa izany, tamin'ny alàlan'ireo sary. Ny fiangonana dia mahafantatra an'izany, eran'izao tontolo izao. Mahafantatra tsara an'izany isika, satria Izy tsy nilaza zavatra anankiray tamintsika mihitsy tamin'ny HOY NY TOMPO HOE afa-tsy ny Fahamarinana. Tsy nilaza ve Izy, teo amin'ilay ony tany hoe, "Tahaka ny nanirahana an'i Jaona Mpanao-batisa, dia ho toy izany koa ity Hafatra ity . . ."

²⁷⁶ Niandrandra aho, ary manondro amin'ny roa ambin'ny folo izy. Eto ny oran'ny misasak'alina, ry sakaiza, eo ambonintsika. Hitanareo ve hoe tanteraka toy ny ahoana ny Soratra? Tanteraka tokoa, toy ny ahoana Izany . . .

²⁷⁷ Fa, jereo, tsy ho rafi-pandaminana anankiray no handeha ho any ka hiantso an'ireo Jiosy. Tsy maintsy ho lehilahy anankiroa izany, Mosesy sy Elia. Izy roa ireo, dia mpaminany.

²⁷⁸ Ankehitriny jereo. Mba hiantsoana an'ireo Jentilisa, ilay Ampakarina hivoaka, dia Izy no nampanantena ao amin'ny Malakia 4 fa hanao an'ilay zavatra mitovy.

²⁷⁹ Ary ny Baiboly no nilaza fa havoaka any ivelan'ny fiangonana Izy, ao amin'ilay Taonan'ny Fiangonana Fahafito. Havoaka any ivelan'ny fiangonana Izy. Ho lasa maizina tanteraka izany, ary ho lasa . . . Aiza izany no maizina? Izany dia hiditra ao amin'io rafitra ara-pivavahana io, ao amin'io fiombonambe ekiomenika io, Fiombonamben'ny Fiangonana

Maneran-tany. Izy... Navoaka tanteraka any ivelany Izy. Ny Teniny, tsy afaka hifanaraka amin'Izany izy ireo. Fantatrareo fa tsy afaka izy ireo. Tsy afaka hifanaraka akory aza izy ireo ao amin'ireo vondrony kely manokana ao an-toerana; ahoana no hifanarahan'izy ireo amin'Izany? Noho izany, dia mandray mariky ny bibidia hafa izy ireo, sary iray an'ny bibidia. Tsarovy, hoy ny Baiboly hoe, "Nisy sary iray natao ho an'ny bibidia."

²⁸⁰ Ary ity Etazonia ity dia nanana ny isa telo ambin'ny folo foana. Nanomboka tamin'ny fanjakana telo ambin'ny folo izy, zanatany telo ambin'ny folo; kintana telo ambin'ny folo, tsipika telo ambin'ny folo; isa telo ambin'ny folo, ary vehivavy iray foana. Miseho ao amin'ny toko fahatelo ambin'ny folon'ny Apokalypsy izy. Ary, voalohany, dia zanak'ondry iray; malemy fanahy, fahalalahana'ny fitenenana, fahalalahana'ny fivavahana, sy ny sisa; ary avy eo dia nandray fahefana izy ireo, ka niteny tamin'ny fahefana rehetra izay nananan'ilay dragona teo alohany. Inona izany? Inona ilay dragona? Roma. Hitanareo, nanana marika iray, sarin'ny bibidia iray, mba hitsangana hanohitra an'ilay tena Fianganon'Andriamanitra. Eo ambanin'ireo anaram-piagonana ireo, no hampahorianan an'io zavatra io! Fa, rehefa manomboka manao an'io izy ireo:

Haka ny Ampakariny ny Zanak'ondry ho eo
Anilany mandrakariva,
Hiangona ny tafiky ny Lanitra rehetra;
Oh, ho fahitana lehibe iray izany, ireo masina
rehetra fotsy misy pentina;
Ary hisakafo Mandrakizay miaraka amin'i Jesosy
izy ireo. Amena!

"Avia ka mihinàna," ny Mpampianatra no miantso,
"Avia ka mihinàna." Amena!

²⁸¹ Andro inona no iainantsika, ilay ora! Mandosira, ry olona, mandosira ho an'ny ainareo!

²⁸² Mariho ankehitriny, eto am-pamaranana, ny asampanompoana tahaka ny an'ilay anjely fahafito. Ireo vavolombelona roa, eo ambanin'ny Trompetra Fito, mialohan'izany indrindra...na, ny Trompetra Fahlenina, mialoha indrindra ny Trompetra Fahafito far-...

²⁸³ Ankehitriny, tsarovy, ary nolazaiko taminareo fa ho entiko miverina io, "Trompetra Lehibe." Izy no nilaza, inona no Hataony, eto amin'ny Isaia eto? Izy no nilaza, ao amin'ny... "Hitsoka ilay Trompetra Lehibe. Ilay Trompetra Lehibe!" Tsy ireo Trompetra ankehitriny, ireo fetin'ny trompetra; misy roa izy ireo, Mosesy sy Elias, mba hiantso an'ilay Trompetra. Fa, eo ambanin' "ilay Trompetra Lehibe," dia ny Fihavian'ny Tompo, mba hilaza ny fiverenan'i Josefa, hitanareo, mba hiangonan'ny firenena rehetra ao Jerosalema. Amena. Hitanareo ao amin'ny Bokin'i Isaia izany. Vao avy nomeko anareo izany, vao teo,

ny anankiray tamin'ireo toko izay novakantsika; izany dia ao amin'ny Isaia 18:1 sy 3. Ary ao amin'ny Isaia 27:12 sy 13, no Itsofany an'ilay "Trompetra," ka ny firenena rehetra dia hanaiky ny Israely ao amin'ny tanindrazany, Andriamanitra miaraka aminy.

²⁸⁴ Amin'izay fotoana izay dia ho tonga ny Ampakarina mba hiaraka amin'ny Mpampakatra, ary ny Mpampakatra hiaraka amin'ny Ampakarina; ary amin'izay fotoana izay dia ilay Arivo taona lehibe, rehefa avy potehin'ny hery atomika izao tontolo rehetra izao. Ary dia hisy "ny lanitra vaovao sy tany vaovao," ho velona mandrakizay.

²⁸⁵ Jereo, tena eo ambanin'ny... Mariho ankehitriny, ny asam-panompoan'i Mosesy sy Elia dia... Ankehitriny, azon'ny olona rehetra ve izany? Mamelà ahy hilaza an'izany indray. Ny asam-panompoan'i Mosesy sy Elia, eo anelanelan'ny Trompetra Fahenina sy Fahafito, dia ho mpaminany roa izay... izy ireo... Israely dia mino foana an'ireo mpaminaniny.

²⁸⁶ Ankehitriny, inona no nolazain'ny Fanahy Masina tamiko rehefa nanomboka nandeha tany aho, mba haneho amin'izy ireo fa Izy no Zanak'Andriamanitra, nanao hoe, "tsy mbola"? Tsaroanareo ve izany, teo amin'ny dimy taona lasa teo izay, teo amin'ny lâlako nankany Inde? [Hoy ny fiangonana hoe, "Amena."—Mpand.] Hoy Izy, "Aza manao an'io."

²⁸⁷ Hoy aho hoe, "Izy ireo dia nanao hoe, 'Raha izany no Mesia, dia avelao izahay hahita Azy hanao an'ilay famantaran'ny mpaminany. Mino an'ireo mpaminany izahay.'"

²⁸⁸ Rahalahy Lewi Pethrus sy izy ireo no nandefa an'ireo Baiboly ireo tany amiko; rehefa avy nizara iray tapitrisa tamin'izany izy ireo ho an'ireo Jiosy izay avy tany Iran sy nanerana, izay niverina, nanangona ny tenany niaraka, lasa firenena iray.

Nieritreritra aho hoe, "Izao no fotoanako." Izaho dia efa tao... Le Caire, Egypta.

²⁸⁹ Hoy Izy hoe, "Aza manao an'io ankehitriny. Tsy mbola izao no ora." Tamin'izay fotoana izay dia niverina nody aho. Ah-hah. Oh, oadray!

²⁹⁰ Mosesy sy Elia no tsy maintsy hiantso. Mbola mandeha foana ny jobilin'ny pentekosta, na mitohy hatramin'izao fotoana izao. Hitanareo? Ankehitriny dia tsy maintsy fantatra ny fetin'ny Trompetra. Ary ity anankiray ao amin'ny Malakia 4 ity dia tsy mifandray amin'ilay anankiray tany; tsia tokoa, tsia tokoa. Mariho, diniho eto, ilay asam-panompoana dia ho Mosesy sy Elia, manova sy miantso ny Israely avy ao amin'ireo fombafomba Jiosy, henoy, avy ao amin'ireo fombafomba Jiosy izay nampikorontana azy ireo. Satria mpaminany, izy ireo dia hino—izy ireo dia hino azy, izay miantso azy ireo ho amin'ny fetin'ny Fanaovam-panavotana, Kristy, hamela azy ireo

hahafantatra an'i Kristy. Hilaza izy ireo hoe, "Ho avy Izy. Ho eto Izy." Hiangona ireo Jiosy, ireo zavatra tahaka an'izany.

Ary avy eo rehefa tonga Izy, dia hanao hoe, "Inty Aho." Hitanaereo?

"Taiza no Nahazoanao an'ireo holatra ireo?"

"Tao an-tranon'ireo Sakaizako."

²⁹¹ Ankehitriny, mitovy amin'izay nataon'ireo mpaminany roa ireo! Tsarovy, ilay Ampakarina Jentilisa dia tsy maintsy manana mpaminany iray, antsoina hoe Elias, Elia, izay tsy maintsy hiantso azy ireo hivoaka avy ao amin'ireo fombafombany, ny Ampakarina; mitovy mihitsy tamin'ny niantsoan'ireo mpaminany ireo ny Jiosy hivoaka avy tao amin'ny Jodaisma, ho eo amin'i Kristy, ilay Fanaovam-panavotana. Ary ireo Jentilisa dia efa mahafantatra ny Fanaovam-panavotana, saingy izany dia mba hiantsoana ny Ampakarina hiverina amin'ilay Fanaovam-panavotana tany am-boalohany, rehefa ireo (dimampolo) sabata izay izy ireo... Ireo sabata fito rehetra ireo izay nalavirin'izy ireo; miantso azy ireo hiverina amin'ilay andro farany. Ireo fito... Henoy! Ilay iraky ny Fiagonana Fahafito, ny iraky ny Trompetra Fito, dia mpaminany daholo. Ankehitriny, marina izany.

Ny natsofoka, dia ireo efatra arivo sy efatra alina sy efatra hetsy.

²⁹² Ny fiantsoana, ireo Tombokase, izay ho an'ireo Jentilisa. Tsy maintsy ho an'ireo Jentilisa izany, manokatra ho an'ireo Jentilisa, mba hahita an'ilay Fiagonana Jentilisa. Izay ihany no fantatsika. Izay ihany no henointsika; izay efa lasa. Miandry an'i Jesosy isika.

²⁹³ Hoy ianareo hoe, "Ankehitriny, andraso iray minitra, Rahalahy Branham, izaho dia mino fa izy ireo dia hanao an'ity."

²⁹⁴ Ny famantarana farany izay i Abrahama... Ary isika no Taranaka mpanjakan'i Abrahama; ny Ampakarina. Ny famantarana farany izay hany hitan'i Abrahama talohan'ny nahatongavan'ilay famantarana nampanantenaina... nahatongavan'ilay zanaka nampanantenaina, dia inona? Andriamanitra, ao amin'ny endrika olombelona iray, izay afaka namantatra ny eritreritr'ireo olona; lehilahy anankiray, fa tsy roa ambin'ny folo; lehilahy anankiray, tsy mampaninonina na firy na firy ny fakan-tahaka. Nanana Anankiray izy ireo, ary Izy no namantatra ny eritreritra tao anatin'izy ireo. Inona? Ary, ny zavatra nitranga manaraka, dia niverina ho lehilahy sy vehivavy tanora i Abrahama sy Saraha. Fantatsika izany.

²⁹⁵ Ankehitriny, fantattro fa manakenda kely anareo izany ankehitriny. Saingy, tsarovy, mba hanananareo antoka fotsiny hahafantarana ankehitriny... Aza mamaky ny Baiboly tahaka

an'izao ianareo; vakio ny eny anelanelan-tSORATRA dia jereo, manao an'ilay sary ho tonga.

²⁹⁶ Diniho. Saraha dia efa vehivavy antitra, hoy ny Baiboly. Izy, izy ireo... “Efa maty ny kibony.” Marina ve izany? “Ny ain’i Abrahama dia efa maty tao anatin’ny, ny taranany.” Marina ve izany?

²⁹⁷ Ankehitriny, tsarovy, ny taranak’i Abrahama dia efa maty. Efapolo taona taty aoriania dia nanana zanakalahy fito tamin’ny vehivavy iray hafa izy. Inona no Nataony? Nanova ny vatan’izy ireo Izy.

²⁹⁸ Diniho, nanao dia telonjato maily izy ireo, nankany Gerara, tena dia lavitra iray izany ho an’ny lehilahy antitra iray. Nilaza...

²⁹⁹ Ary i Saraha aza dia efa nieritreritra fa tsy afaka hanana firaisam-pianakaviana izy ireo. Hoy izy hoe, “Izaho...” Roapolo taona na mihoatra, angamba, talohan’izany no nananan’izy ireo firaisam-pianakaviana. Hoy izy, “Izaho vehivavy antitra iray, ary ny tompoko, ihany koa; hanana hafaliana indray, tahaka ny olona tanora ve?”

Hoy Izy hoe, “Misy zavatra tena sarotra amin’Andriamanitra ve?”

³⁰⁰ Mariho izay nitranga. Niverina avy hatrany ho vehivavy tanora iray maha-te-ho tia izy. Maneho, ao amin’izany, manao sary an’izay Hataony amin’ilay Taranaka mpanjakan’i Abrahama, handraisana an’ilay Zanaka izay efa nampanantenaina. Niverina ho tanora iray izy...

³⁰¹ Jereo, nandeha nidina tany Gerara izy ireo. Ary inona no nitranga? Abimeleka, ilay mpanjaka, dia latsa-pitia taminy, nanao hoe, “Mahafinaritra sy tsara tarehy izy,” ary hanambady azy. Marina ve izany? Renibe antitra; sy ireo tovovavy tsara hafa rehetra tany ireo. Mamabe, “Tsara tarehy izy. Mahafinaritra jerena izy.” Hitanareo?

³⁰² Nanova ny vatany Andriamanitra, ary namerina azy ireo indray. Izany dia zava-miafina iray izay tsy maintsy ho voambara ankehitriny amin’izao andro izao, amin’ny alàlan’ny Zanak’olona, hitanareo, ilay Hafatry ny hariva. Hitanareo? Niverina indray! Ary izany no famantaranana farany izay hitan’izy ireo, dia (inona?) io famantaranana io, talohan’ny nahatongavan’ilay fanovana ny vatana.

³⁰³ Ary alohan’ny tena handraisantsika an’ilay Zanaka, dia inona no mitranga? “Hitsoka ny trompetran’Andriamanitra; ny maty ao amin’i Kristy no hitsangana aloha, vatana vaovao iray; ary isika izay velona ka mitoetra dia hovàna, ao anatin’ny fotoana vitsy, ao anatin’ny indray mipi-maso,” haleloia, “ary hakarina miaraka, hitsena ny Tompo eny amin’ny

habakabaka.” Nampahafantarina ilay tsiambaratelo; nisokatra ireo Tombokase.

³⁰⁴ Ilay Trompetra dia nitsoka ho an’ny Isiraely; vonona hiseho ireo mpaminany roa. Inona izany? Tsy maintsy miala eo amin’ny sehatra avy hatrany ny Fiagonana ankehitriny, mba hahafahan’izy ireo hiseho. Tsy afaka mifanaraka amin’ny anankiroa amin’ny fotoana iray Izzy; tsy nanao mihitsy Izzy. Hitanareeo?

³⁰⁵ Oh, rahalahy, diniho! Marina tokoa, mba hiantso ny rehetra, hiantso azy ireo hivoaka avy ao amin’ireo anaram-piagonana sy fombafomba. Ankehitriny dia hitantsika fa tapitra ilay taonan’ny fiagonan’ny pentekosta.

³⁰⁶ Tsy maintsy miala eo amin’ny lâlana ilay Ampakarina, mba hiakatra ankehitriny; mba hahafahan’ireo mpanompo roa, ireo mpanompon’Andriamanitra roa, ao amin’ny Apokalypsy, ireo mpaminany roa, hiseho eo amin’ny sehatra, hitsoka an’ilay Trompetra Fahafito ho azy ireo, hampahafantatra azy ireo an’i Kristy.

³⁰⁷ Ilay anjely fahafito, iraka, dia manao hoe, “Indro ny Zanak’ondrin’Andriamanitra izay manaisotra ny fahotan’izao tontolo izao!” Tsy hoe, “indro ny Metodistako, ny Batistako, ny Pentekotistako.” Fa, “Ny Teny, ny Zanak’Andriamanitra, ny Zanak’ondrin’Andriamanitra izay manaisotra ny fahotan’izao tontolo izao,” satria tsy misy fanorenana hafa! Hitanareo?

³⁰⁸ Fotoana firy sisa no ananantsika? Ireo Jiosy dia efa ao amin’ny tanindrazany. Nantsoina ilay Ampakarina. AratSoratra, ny zavatra rehetra dia arak’izay Nampanantenainy marina mihitsy. Vonona isika. Eto ilay ora.

Rava ireo firenena, mifoha Isiraely,
Ireo famantarana izay nolazain’ny Baiboly
mialoha;
Voaisa ny andron’ny Jentilisa, miaraka amin’ny
hovitra manarona;
Miverena, O ry niely, amin’ny anareo manokana.

Akaiky ny andron’ny fanavotana,
Resin-tahotra ny fon’ny olona;
Aoka ho fenoina ny Fanahin’Andriamanitra,
ataovy voaomana sy madio ny jironareo,
Miandrindrà, akaiky ny fanavotana anareo!

Mandainga ireo mpaminany sandoka, lavin’izy
ireo ny Fahamarinan’Andriamanitra,
Hoe Jesosy ilay Kristy no Andriamanitsika;
(marina izany)
Fa handeha eo amin’izay nohitsahin’ireo apostoly
isika.

Satria akaiky ny andron'ny fanavotana,
 Resin-tahotra ny fon'ny olona;
 Aoka ho fenoina ny Fanahy, ny jironareo
 voaomana sy madio, (aza manao
 kisendrasendra)
 Miandrindrà, akaiky ny fanavotana anareo!

³⁰⁹ Hoy ny mpaminany hoe, “Hisy Hazavana amin’ny andro hariva.”

Hisy Hazavana amin’ny andro hariva,
 Ny lèlan’ny Voninahitra dia azo antoka fa ho
 hitanareo;
 Ao amin’ny lèlan’ny batisa, no Hazavana
 amin’izao andro izao,
 Nalevina ao amin’ny Anarana sarobidin’i Jesosy.
 Tanora sy antitra, ibebaho ny fahotanareo rehetra,
 Ny Fanahy Masina dia azo antoka fa hiditra;
 Tonga ireo Hazavan’ny hariva,
 Tena zava-misy ny hoe Andriamanitra sy Kristy
 dia Iray.

³¹⁰ Eto isika izao! Eo amin’ny farany isika. Tsy zavatra
 adaladala iray avy amin’ny lehilahy iray izany. Izany no HOY
 NY TOMPO HOE.

Ndao isika hanondrika ny lohantsika.

³¹¹ Andriamanitra mpamindrafo, Jehovah, ilay Tsitoha izay
 nikotroka teo amin’ny Tendrombohitra Sinay; ary niantsoantso
 ny olona hoe, “Aoka i Mosesy no hiteny, fa tsy Andriamanitra,
 fandrao maty izahay.” Ianao no nilaza, Jehovah Lehibe, “Izaho
 hanangana Mpaminany iray ho azy ireo. Tsy hiteny amin’izy ireo
 intsony tahaka an’io Aho.” Fa Ianao no nampanantena an’izay
 Hataonao, ary Nataonao izany; nanangana ny Tompo Jesosy ho
 anay Ianao. Izy no Teny. Ianao no nilaza fa izany Izy. “Tamin’ny
 voalohany ny Teny, ary ny Teny tao amin’Andriamanitra, ary ny
 Teny dia Andriamanitra. Ary ny Teny dia tonga nofo, ka nonina
 teo anivontsika.”

³¹² Hitanay ireo zavatra izay Naminiany ho anay eto,
 tamin’ny alàlan’ny Mpaminaniny, Jaona, tao amin’ny nosin’i
 Patmo. Hitanay fa tanteraka izany, ara-bakiteny. Hitanay ny
 Fanahy Masina tonga voaseho eo anivonay eto an-tany. Hitanay
 ireo anaram-pianganana fa mandroaka Azy any ivelan’ny
 fianganana; ilay Teny. Tsy manana na inona na inona manohitra
 ny olona izy ireo; fa ity Teny ity no halan’izy ireo. Manohitra
 ny fombafombar’izy ireo izany. Tahaka Anao fony tety an-tany
 mihitsy, Ianao no Teny, ary nanohitra ny fombafombar’izy ireo
 Ianao; ary noroahin’izy ireo tany ivelan’ireo fianganany Ianao,
 hatraiza hatraiza.

³¹³ Ary ankehitriny, Tompo, tsy misy fiaraha-miasa intsony, na
 aiza na aiza. Niezaka aza aho ny hiditra any Afrika Atsimo,

izay fantatro fa misy fanahy sasantsasany izay mbola miandry any. Ny toerana rehetra, ary toy ny hoe tsy handray ahy izy ireo, Tompo. Tsy noho ny amiko, Tompo; izany dia noho ity Hafatra ity. Saingy, Ianao no nilaza fa ho toy izany ilay izy, ary Ianao no nampahafantatra an'izany taminay mba tsy hahakivy anay. Fantatray ilay ora izay iainanay.

³¹⁴ Andriamanitra, ireto olona izay mipetraka eto ireto izao maraina izao, ao amin'ity efitra mafana, mandoro eto ity. Nihaino tsara izy ireo. Mahita izy ireo ankehitriny, azoko antoka. Raha tsy mahita izy ireo, dia ambarao amin'izy ireo izany, Tompo, hoe nahoana Ianao no tsy namela ahy haka an'ireo Trompetra ireo. Hitako fa tsy misy idiran'izany aminay. Tao amin'ilay Trompetra Fahenina mihitsy, no nitrangan'izy rehetra, ary efa hitanay ny Tombokase Fahenina nisokatra. Ary hitanay ny fahitana iray teto, roa herinandro lasa izay, ny amin'ny fahitana mialoha an'ilay Ampakarina sy ilay fiangonana, araka ny nilazako azy teto. Araka ny Nanehoanao tamiko mihitsy, Tompo, no nilazako azy. Eto izahay izao. Mety ho tara noho izay heverinay izao.

³¹⁵ O Ray, raha misy olona eto izao maraina izao, izay—izay nandray finoanoam-poana iray fotsiny, fitarihana ara-teolojia iray, na tenin'ny teolojiana iray izay mifanohitra amin'ny Tenin'Andriamanitra! Ary tsy mahafantatra an'ilay tena Kristy izy ireo, ilay tena Fanahy Masina. Tsy voambara tamin'izy ireo Izany, ny Teny, tsy mbola, hoe ho toy ny ahoana ilay Teny amin'izao andro izao. Fombafomba iray fotsiny ihany no hitan'izy ireo. Miaina ao anatin'ny—ny Hazavana izay manajamba izy ireo. Toy ilay halatra lehibe indrindra izay hany nisy teto amin'izao tontolo izao, izay tany Angletera, noho ny hazavana sandoka iray no nahavitana an'izany. Ary ilay halatra lehibe indrindra izay hany nananan'ny Fiangonanao, dia tamin'ny nandraisan'izy ireo ny hazavan'ny anaram-piangonana iray ka nandà an'ilay Hazavana tena izy an'ny Baiboly, ilay Kristy.

³¹⁶ O Andriamanitra, mamindrà fo! Vonjeo ny very, Tompo. Miangavy, mangataka vetivety kely fotsiny aho, Jesosy. Manana olo-malala izahay. Vetivety kely fotsiny. Tsy ho ela dia hiendaka avy eo amin'ilay tendrombohitra io Vato lehibe io. Ekeo, Tompo, raha misy eto izao maraina izao tsy manana Anao, enga anie izy ireo ho avy fotsiny ankehitriny, am-pahamoram-panahy, ka handray Anao.

³¹⁷ Raha mbola manondrika ny lohantsika isika. Raha hanangana ny tānanareo ianareo, hanao hoe, "Tsarovy aho, Rahalahy Branham." Isika tsy manana... Feno ireo alitara sy ny sis. Andriamanitra hitahy anao. Manaova fotsiny hoe, "Tsarovy aho." Andriamanitra hitahy anao. Andriamanitra hitahy anao. Andriamanitra hitahy anao. Tānana an-jatony ara-bakiteny mihitsy!

³¹⁸ Ray, Andriamanitra, misy aloka kely iray any ho any. Esory izany, Tompo. Mipetraka ato amin'ity efitra ity izy ireo. Aza... Mety nanajamba ny mason'izy ireo i Satana, tamin'ireo andro lasa, fa mivavaka aho mba Ianao anie hinia tsy hahita an'izany, tahaka ny Nataonao taminay tamin'ny andro maro lasa. Fa satria miantsao anay rehetra Ianao ankehitriny mba hahita... Ny Baiboly no nilaza fa jamba izy ireo. Tsy nahafantatra an'izany izy ireo. Hoy Izy, "Manoro hevitra anao Aho mba hividy Amiko odi-maso." Andriamanitra, ampiasao ilay fanafody fanosotra izao maraina izao eo amin'ny mason'izy ireo, mba hahafahan'izy ireo hahita. Na dia manetry tena aza izany, ao amin'ny andian'olona manetry tena; ary manetry tena, tsy nianatra, sy ny sisa, kanefa dia izany no fomba naha-izy azy tany amin'ny voalohany. Ekeo izany, Tompo, mba handraisan'izy ireo an'Izany izao ankehitriny izao. Atolotro Anao izy ireo, amin'ny Anaran'ny Zanakao, Jesosy.

³¹⁹ Ary Ianao no nanao hoe, "Izay mandre ny Teniko." Ary azoko antoka, Tompo, amin'ny tsara indrindra amin'ny fahalalako, dia nandre an'Izany izy ireo. "Ka mino Izay naniraka Ahy," tsy mody mino, fa tena mino, ary mino an'izay nolazain'ny Teny. "No manana ny Fiainana mandrakizay, ka tsy ho tonga amin'ny Fitsarana; fa efa nafindra avy tao amin'ny fahafatesana ho amin'ny Fiainana." Jaona 5:24.

³²⁰ Ekeo, Tompo, mba ho Anao izy ireo, manomboka amin'ity ora ity. Raha misy fahagagana iray ao amin'ny sain'izy ireo, dia esory izany. Raha misy olona iray marary eto afovoanay, dia aoka ilay Fanahy Masina lehibe, Tompo,...Fa, fantatroy fa misy izany; ary manambara an'ireo eritreritra, mitsangana eto amin'ny lampihazo. Fantatr'izy ireo ny rehetra mikasika an'izany. Mivavaka aho mba Hanasitrananao azy ireo, Tompo. Alamino ny fanontaniana rehetra.

³²¹ Hisokatra ny dobo ho an'ireo izay tsy mbola nasitrika mihitsy tamin'ny Anaran'i Jesosy Kristy, mandray ny Anaran'ilay Mpampakatra. Izy ireo dia nahazo an'ny araanaram-piangonana, ara-pivavahana; tsy mbola nisy mihitsy anankiray izay mba hany natao batisa tamin'ireo titran'ny "Ray, Zanaka, ary Fanahy Masina," nanofafazana; ary ireo zavatra ara-fombafomba ireo dia an'ireo fiangonan'izao taona izao, hetsika anti-Kristy, sarin'ny bibidia. Tsy nisy olona izay hany natao batisa tamin'ny anaran'ny "Ray, Zanaka, Fanahy Masina," raha tsy ny fiangonana Katolika. Ny Baiboly rehetra, ary ny tantara rehetra, taorian'izany, dia milaza fa izy ireo dia natao batisa tamin'ny Anaran'i Jesosy.

³²² Paoly no nilaza, ao amin'ny Galatiana 8:1 hoe, "Na dia Anjely iray avy any An-danitra aza no tonga ka mitory Filazantsara hafa, dia aoka ho voaozona izy." Ary Ianao no nandidy an'ireo olona izay efa vita batisa teo ambanin'i Jaona, ilay anankiray izay nanao batisa an'i Jesosy ihany, mba ho avy ka

hatao batisa indray amin'ny Anaran'i Jesosy Kristy, ao amin'ny Asa 19. Ary nanao hoe, "Aza mamela Anjely iray akory aza hiteny zavatra hafa aminareo."

³²³ Hisy iraka iray ho tonga amin'ny andro farany, izay hitarika ny olona hiverina amin'ilay voaloham-bokatra, hiverina amin'ilay Finoana tany am-boalahany. Ekeo izany, Tompo, mba ilay Iraka lehibe eo anivonay ankehitriny, ilay Kristy lehibe, ilay Fanahy Masina izay nanao ho velombelona, nanao ho azo, nanokatra ny Teny ka nanambara Azy taminay, enga anie Izy hitarika azy ireo hiverina amin'ilay Finoana tany am-boalahany, pentekotista. Tahaka ny nolazain'i Petera, tamin'ny Andron'ny Pentekosta hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho famelàna ny fahotana." Ary toy izany hatrany ilay izy, ho an'ny olona rehetra, hatramin'ny fiangonana Romana tao Nise.

³²⁴ Andriamanitra, mamindrà fo ankehitriny. Ho vonona ny dobo; misokatra ireo fo. Midira, Tompo Jesosy. Ao amin'ireo ora farany izahay. Raha misy ny azo atao, Tompo, amin'ny hidiran'izy ireo amin'ity ora ity; fa, manantena sy mahatoky aho fa misy izany. Ary izahay izay ao anatiny, Tompo, dia enga anie izahay hanao jery todika ankehitriny, hoe nahita sy nandre ny Feon'Andriamanitra niresaka tamin'ny alàlan'ny Teniny izahay, ary fantatray hoe ora inona no iainanay. Ekeo izany, Ray Apetrakay Aminao izy ireo, amin'ny Anaran'ny Zanakao.

³²⁵ Ankehitriny miaraka amin'ny lohantsika miondrika.

Mora sy malefaka no iantsoan'i Jesosy,
Miantso anao . . .



NY FETIN'NY TROMPETRA MAG64-0719M

(The Feast Of The Trumpets)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 19 Jolay, 1964, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org